



文苑英華卷第四百二十一

翰林制詔二

赦書二

改元赦書

改天監元年赦詔

沈約



門下五精逝襲皇王所以受命四海樂推殷周所以改物
 雖禪代相舛遭會異時而微明迭用其流遠矣莫不振民
 育德光被黎元朕以寡闇命不先後寧濟之功屬當期運
 乘此時來同梁書心萬物遂振厥弛維大造區夏末言前
 蹤義均慙德齊氏以代終有徵曆數云改欽若前載集大
 命于朕躬顧惟菲德辭不獲命寅畏上靈用膺梁書景業
 執禋柴之禮當與能之祚繼迹百王君臨四海若涉大川

罔知攸濟洪基初兆萬品權輿思俾慶澤覃被率土可大
赦天下改齊中興二年爲天監元年賜民爵二級文武加
位二等鰥寡孤獨不能自存者人穀五斛逋布口錢宿債
勿復收其有犯鄉論清議贓汙淫盜一皆蕩滌洗除前注
與之更始長從勅繫之身特皆原遣亡官失爵禁錮奪勞
一依舊典

開元元年赦書

蘇頌

黃門朕聞聖人無心同於吹萬上皇有道契於明一居天
下之尊者莫大體其大以昭臨成天下之務者至公順其
公以康濟故能稽昌曆考元符通于神祇格于上下鴻名
不可以深拒盛典不可以固違斯豈在予而徇於物也朕

以菲德丕承聖訓掃除欃槍保衛宗稷內問安以承志外
聽理以推誠始自朝廷納之以軌物終加蠻貊泊之以聲
教欲令跂行喙飲含齒戴髮去其天札蠲其疵癘每兢兢
於紫座寧自貴於黃屋而凡我羣辟顧斯兆庶以爲人謀
協從天意欽若王者人所歸也帝者天之號也歸之者以
德號之若以功然號以功成則功不可以不表歸以德厚
則德不可以不勵朕猥屬與能之運遂忘冲讓之私將逮
臨一作建寅之歲首甫擇建子之天統是用發揮景命受茲
禮冊夫循名者責實謀始者慮終勉而全之非敢自滿所
以克已思政惟懷未圖懼弗勝荷用多慙惕赦令所作其
來尚矣是則姦人之幸嘗思奔馬之喻朕但欲令其畏惡

化之為善庶比屋可封豈開羅為惠朕之此志每用形言

頃屬一作自填冬序頗愆農功一作澤洎簡辰練日有司備禮則

上天同雲北風雨雪意者將乘廣慶必待湛恩宜行一作憑

宥過之典以叶隨時之義可大赦天下改先天二年為開

元元年十二月一日味爽已前大辟罪已下已發覺未發

覺已結正未結正繫囚見徒咸赦除之云禮尚於儉書

誠於奢朕方闕敦朴以存勸沮至於乘輿服御及土木之

功蠲除樽節貴從簡省王公已下宜識此心欲將先自朕

躬冀能化行海內薛伯陽以凶魁之子合宜嚴刑緣尚主

之恩特令遠貶旋念從夫之禮深矜自我之出宜復舊婚

再承新命可唐州別駕員外郎置同正員郭元振往立大

功保護於朕頃因閱武頗失軍器容責情放逐將收後效

可饒州司馬員外置同正員朕聞罪不相及先王之制叔

向豈同一作坐於凶弟展禽見稱於哲兄劉廙不以劉偉獲

辜王導不以王敦廢職崔滌為其兄湜構禍每進款誠事

朕有年心則無隱忠邪既判賞罰宜均俾踐儲卿式彰臣

節可太子僕員外置同正員國初以來宰相及賞封功臣

子孫一房沉翳未承恩者令所司訪擇有可一作才用者量

加擢用周朝酷吏來俊臣周興之徒殘害宗枝毒害良善

未言及此深所痛一作歎恨其酷吏有身在及酷吏身後有

子孫亦令所司勘會甄別處公諸軍將士有年歲深久所

由要籍或不得選集及未叙勞効咸委軍將據實奏聞仍

令所司早賜處分及諸軍將佐總管以上自今已後冬正
東帛一準京官例給亡命山澤挾藏軍器百日不首復罪
如初敢以赦前事相告言者以其罪罪之赦書日行五百
里布告遐邇咸使知聞主者施行

一作皆唐大詔令

改元天寶赦

內制

門下古先哲王之致理也皆上順天心下稽人事時令贊
發生之重一作德祥一作靈符叶紀年之稱考彼前載斯為一作
焉大猷恭惟烈祖玄元皇帝天寶錫慶象帝之先垂裕後
人重光五聖自朕嗣守丕業洎三十年實賴宗社降靈昊
穹孚祐萬方無事六府維脩寰宇晏然一作如庶臻于理然

則乾元在上仁覆為首皇王臨下惠化攸先恩弘善貸用

廣滋一作慈育尊道寶之一作而建元暢玄風於不宰况屬陽

和布氣猷歲發生宜覃在宥之恩式降維新之澤可大赦
天下改開元三十年為天寶元年自天寶元年正月一日
昧爽已前大辟罪已下罪無輕重已發覺未發覺已結正
未結正繫囚見徒常赦所不原者咸赦除之諸色左降官
并其流人未經量移者亦與量移禁麇外以遂生成自今
已後每年春天下宜禁弋獵採捕如聞百姓之內或有戶
高丁多苟為規避父母見在乃別籍異居宜令州縣勘會
其一家之中有十丁已上者放兩丁征行賦役五丁以上
者放一丁即令同籍共居以敦風教天下侍老八十以上

者宜委州縣官每加存問仍量賜粟帛侍丁者令其養老
孝假者矜其在喪此王政優容俾申情理而官吏不依令
式多雜役使自今後不得更然國之急務莫若求才頃者
雖屢搜揚士庶尚慮遺逸更宜精訪以副虛懷其前資及
白身人中有儒學博通及文詞秀逸或有軍謀越衆或武
藝絕倫者委所在長官具以名薦若乃弘我風化實惟方
岳必佇其人以膺共理其京文武官五品以上清資并卽
官據資歷人才堪爲刺史者各任封狀自舉但文宣垂訓
事必正名而黃鉞古來以金爲飾金者應五行之數有肅
殺之威去金稱黃理或未當其黃鉞宜改爲金鉞符威武
之義焉内外文武九品已上各賜勳兩轉前王重典在乎

祭祀况屬維新事宜昭告五嶽四瀆名山大川諸靈迹及
自古帝王忠臣義士並令所由本州縣致祭

一作皆唐大詔令

奉天改元大赦制

陸贄

門下致理興化必在推誠忘已濟人不恡改過朕嗣守

詔令

作丕構君臨萬方

詔令

失守宗祧越在草莽不念率德誠

服

莫追於旣往求言思咎期有復

詔作

於將來明徵厥初

舊唐

書作

其義以示天下惟我烈祖邁德庇人致俗化於和平拯生

靈於塗炭重熙積慶垂二百年伊爾卿尹庶官洎億兆之
衆代受亭育以迄于今功存于人澤垂于後肆予小子獲
纘鴻業懼德不嗣罔敢怠荒然以長于深宮之中暗于經

國之務積習易溺居安忘危不知稼穡之艱難不察唐書

征戍詔令作之勞苦澤靡下究情不上通事既壅隔人懷

集作疑阻猶昧省已遂用詔令與戎徵師四方轉餉文粹

千里賦車籍馬遠近騷然行齎居送衆庶勞止或一日屢

交鋒刃或連年不解甲冑祀奠詔令乏主室家靡依生死

流離怨氣凝結力役不息田萊多荒暴命唐書峻於誅求

疲忙空於杼軸轉死溝壑離去鄉間邑里丘墟人煙斷絕

天譴於上而朕不寤人怨於下而朕不知馴致亂階變興

都邑賊臣乘釁詔令肆逆滔天曾莫愧畏敢行陵逼萬品

失序九廟震驚上辱於詔令祖宗下負於詔令黎庶痛

心醜貌詔令罪累在予永言愧悼詔令若墜泉谷賴天地

降祐人神唐書叶謀將相竭誠爪牙宣力屏除詔令大盜

載張皇維唐書作屏皇維維將弘求圖詔令作必布新命詔

作朕晨興夕惕惟念唐書前非乃者公卿百寮累詔令抗

章疏詔令表猥以徽號加以朕躬固辭不獲俯遂輿議昨因

內文粹省良用矍唐書作矍然體陰陽不測之謂神與天

地合德之謂聖顧惟淺昧非所宜當文者所以化成武者

所以定亂今化之不被亂是用興豈可更徇羣情苟膺虛

羨重余不德祗益懷慙自今以後中外所上書奏不得更

稱聖神文武之號夫人情不常繫於時化大道既隱亂獄

滋豐朕既不能弘德導人又不能一法齊衆苟設密網以

羅非辜為之父母實增愧悼今上元統曆獻歲發生唐書

宜革紀年之號式敷在宥之澤與人更始以文粹答天休
 可大赦天下改建中五年為興元元年自正月一日昧爽
 已前大辟罪已下罪無輕重已發覺未發覺已結正未結
 正繫囚見徒常赦所不原者咸赦除之李希烈田悅王武
 俊李納等有以忠勞任膺將相有以勲舊繼守藩維朕撫
 馭乖方信誠靡著致令疑懼不自保安兵興累年海內騷
 擾皆由上失其道而下罹其灾朕實不君人則何罪屈已
 私物余何愛焉庶懷引慝之誠以洽好生之德其李希烈
 田悅王武俊李納及所管將士官吏等一切並與洗滌各
 復爵位待之如初仍即遣使分道宣諭朱滔雖與賊泚連
 聖路遠未必同謀朕方推以至誠務欲弘貸唐書作未
舊勳務存

如能効順亦與維新其河南河北諸軍兵馬並宜各於
 本道自固封疆詔令勿相侵軼朱泚大為不道棄義茂詔
作恩反易天常盜竊名器暴犯陵寢所不忍言獲罪祖宗
 朕不敢赦其應被朱泚脅從將士官吏百姓及諸色人等
 有遭其扇誘有迫以兇威苟能自新理可矜宥但官軍未
 到京城以前能去逆效順及散歸本軍本道者並從赦例
 原免一切不問天下左降官即與量移近處已經量移者
 更與量移流入配隸及罰藩鎮効力并緣罪犯與諸使驅
 使官兼別勅諸詔令州縣安置及得罪人家口未得詔令
作歸者一切放還應先有痕累禁錮及反逆緣坐承前恩赦
 所不該者並宜洗雪亡官失爵放歸勿齒者量加收叙未

復資者更與進叙人之行業或未必兼構大厦者方集於
 羣材建奇功者不限於常檢苟在適用則無棄人沉黜免
 之人沉鬱既文粹久朝過夕改仁何遠哉流移降黜亡官
 失爵配隸流人等有才能著聞者特加錄用勿拘常例諸
 軍諸使諸道赴奉天及進收京城將士等或百戰摧敵或
 萬里勤王扞固全文粹城驅除大憝濟危難者其節著復
 社稷者其業崇我圖爾功特加彝典錫名疇賦永永無窮
 宜並賜名奉天定難功臣身有過犯遞減罪三等子孫有
 過犯遞減二等當戶應有差科詔令使役一切蠲免其功
 臣已後雖衰老疾患不任軍旅當分糧賜並宜全給身死
 之後十年內仍回給家口其有食實封者子孫相繼代代

無絕其餘收錄及功賞條件待收京日並準去年十月十
 七日十一月十四日勅處分諸道諸軍將士等久勤扞禦
 累著功勳方鎮克寧惟爾之力詔令其應在行營者並超
 三資與官仍賜勳五轉不離鎮者依資與官賜勳三轉其
 累加勳爵仍許回授周親内外文武官三品已上賜爵一
 級四品已下各加一階仍並賜勳兩轉見危致命先哲攸
 貴掩骼埋胔禮典詔令所先雖効用而詔令或殊在惻隱
 而何間諸道兵士有死王事者各委所在州縣給遞送歸
詔令本管官為葬祭其有因戰陣殺戮詔令獲伏辜暴骨
 原野者亦委所在逐近便收葬應緣流貶及犯罪未葬者
 並許其家口各據本官品以禮收葬自頃軍旅所給賦役

繁興吏因爲姦人不堪命咨嗟怨苦道路無聊汔可小康
與之休息其墊陌及稅間架竹木茶漆榷鐵等諸色名目
悉宜停罷京畿之內屬此寇戎攻劫焚燒靡有寧室王師
仰給人以重勞特宜減放今年夏稅之半朕以克醜犯闕
遽用于征爰度近郊息駕茲邑供儲克辦師旅攸寧式當
褒旌以志吾過其奉天宜昇爲赤縣百姓并給復五年尚
德者教化之所先求賢者邦家之大本求言茲道夢想勞
集作懷而澆薄之風趨競不息幽棲之士寂寞無聞蓋誠
所未孚故求之不至天下有隱居行義才集作道德高遠晦
跡丘園不求聞達者委所在長吏具姓名聞奏朕當備禮
遣致諸色人中有賢良方正能直言極諫其博通墳典達

於教化并識洞韜鈴堪任將帥者委常參官及所在長吏

聞薦天下孤集作老鰥寡惻獨不能自活者並委州縣長

吏量事詔令優恤其有年九十已上者刺史縣令就門存

問義夫節婦孝子順孫旌表門閭終身勿事大兵之後內

外耗竭貶食省用宜自朕躬朕當損詔令乘輿之服御絕

宮室之華飾率已師儉集作爲天下先諸道貢獻自非

供宗廟軍國之用一切並停應內外官有冗員及百司有

不急之費委中書門下即商量條件停減聞奏布澤詔令

行賞抑惟舊章令以餘孽未平帑藏空竭有乖慶賜深愧

于懷赦書有所未該者委所司類例條件聞奏敢以赦前

事相言告者以其罪罪之亡命山澤挾藏軍器百日不首

復罪如初赦書日行五百里布告遐邇咸使聞知

興元二年改爲貞元元年正月一日大赦天下制

前人

門下王者體立元極欽若乎天地纂業承統嚴奉乎祖宗

所以敬事修誠務本敦孝尊其上以御于下謹其身而訓

于人百神允諧詔令兆庶求賴立國之本斯其大經詔令

之大典莫朕燭理不明違道招損往遭大集作難淪陷國

都天地宗祧曠而莫主是則欽若嚴奉之義缺矣朕甚懼

焉洎再集無復京師遽將告謝有司以人力耗敦禮物廢

墜詔令日居月諸歲聿云暮卜其近日俯詔令在上春齊

心未懷坐以待曙而百辟卿士抗疏詔令上言咸謂人心

未寧不足以盡敬寇孽猶在不足詔令以造功迫於羣情

俯仰詔令誠願郊廟孔邇瞻言莫定悼心慙顏胡寧自處

重以和平未洽灾沴荐臻去歲旱蝗兩河爲甚人流不息

師出靡居加之以徵求因之以荒饉困窮餒殍轉死丘墟

而又關輔之間冬無積雪土膏未發宿麥不滋詳思咎徵

有爲而致詔令其失安在豈兵戎之後餘梗詔令尚存將獄行

之中深冤未釋詔令又河左詔令淮右逆將詔令阻兵汗

脅齊人陷之死地雖欲自雪厥路無由抱義銜冤足傷和

氣此皆由集自朕爽詔令德播災于人爲之父母實用愧

耻今玄陰已謝春日載陽勾萌畢伸幽蟄咸震思與海內

同心自新發號詔令更元用符天意宜改興元二年爲

貞元元年自正月一日昧爽以前大辟罪已下已發覺未
發覺已結正未結正繫囚見徒罪無輕重咸赦除之應在
河中脅從將士多是奉天赴難功臣本居朝陞夙尚忠節
豈以一夫誑誤棄其累代勲庸朕於此軍尤所不忍特宜
洗滌待以初誠自非與官軍決戰死於鋒刃其餘雖臨戰
詔令擒獲亦並詔令釋放如舍集作逆歸順者在身先有
官爵實封一切如舊仍準前後制勅所在便給賞錢并與
甄叙如有因危効節建立殊庸量其事蹟特加獎擢李懷
光若能翻然悔詔令過束身赴闕詔令念其嘗有大勲必
當終始全護仍準前勅授之官封朕於功臣庶亦無負淮
西將吏百姓等有被劫制又爲匪人詢事原情諒非獲已

今王師四合計日誅夷玉石同一作焚用增惻憫宜令諸

道進軍之日唯罪首惡一人自餘徒黨悉從原宥如有歸

明詔令及立功者並準河中將士例褒獎爲國之要在於

審官共理分憂守宰彌切闔境性命繫乎其人將使里閭

無愁苦之聲風俗興廉讓之教得不慎東髦彥寄之化源

自今已後諸州刺史有關中書門下於朝官中精擇有理

人才術者授之如刺史縣令在任頻年課績尤異詔令者

擇授給舍郎中詔令作擢侍御史中外迭處用觀其能賞

罰必行期于競勸自頃選曹署吏唯以書判求人務騁浮

華莫詢詔令實行且能言者不必適用蘊用者或未能言

爲官擇人其在精覈宜令清資常叅官每年於吏部選人

甲各舉所知一人堪任縣令錄事參軍者所司依資叙註擬便於甲曆之內具標舉主名銜仍牒報御史臺如到任後政理尤異及有贓犯事蹟明著者所司錄舉官姓名聞奏以爲褒貶其內外官員及京城諸使名目委御史審勘會商量并省停減仍集百寮定議務從詔令簡約息費使人其京官外官職田及利息官錢等或黠吏詆欺移易墮畔或貧人從徙捕繫親隣日月滋深耗弊彌甚亦令百寮議其拆衷擇善而行徃以賦役殷繁人不堪命定爲兩稅事頗易從比屬兵興或踰始制法無所守吏益爲姦哀我勞人汔可小息其諸州府除兩稅外應有權宜科率差役一切悉停京畿及側近州縣所欠百姓科詔令和市和糴價

並委度支即勘會支給諸道非臨寇賊州縣自去冬已來

新點召

詔令

官健子弟等並宜放散任營生業應經陷賊

州縣百姓屋宇被焚毀并貧病老弱及遭傷損之類所在

量加優卹使得安存天下名山大川并自古聖帝明王賢

臣烈士祠廟墳墓各委當處長吏擇日致祭必資精潔以

達至誠班爵有差所以叙賢也廩秩有等所以明勸也今

或高卑失次中外相踰至於卿士之家尚羅凍餒之患忠

信重祿豈其然耶內外官祿及俸錢手力雜給等委中書

門下與度支即參詳定額聞奏應赴奉天及收城將士等

並功存社稷節著艱危中心藏之豈忘酬報頃緣府藏空

竭賞給未周

集作

乃眷勲臣實用增愧應準元勅合請賞

錢人等委所司節減宮內及百司費用據所支集作財物
速與給付集作支給應在京城及諸道立功將士等先有詔旨
並許甄昇所司勘會淹歷時月委中書門下即與處分諸
軍行營并河中朝邑被脅從將士家口在京及諸州府者
宜令本道節度觀察使常存賑卹各令優給應諸軍諸使
立仗見在城將士等共賜物七萬疋云

文苑英華卷第四百二十一

文苑英華卷第四百二十一

翰林制誥三

赦書三

尊號赦書一

開元二十七年冊尊號大赦天下制 孫逖

門下一作勅 古之執大象建皇極者必稽彛訓而受鳴名所

以應乎天而順乎人也朕嗣守丕業二十七年受命之初

既膺明號尚多祗懼已謂崇高而公卿宗子緇黃耆艾披

誠瀝懇詣闕上言僉以為乃聖乃文祖宗大烈恭惟纘服

必在欽承願以休名施于薄德抑而不許凡已十年爰迨

于今又陳八請上迫奉先之義下稽從眾之言將存至公

不可固拒以今日敬依大號曰開元聖文武皇帝勉從

典冊良增感懼惟新之號既不私於朕躬非常之澤宜並
一作普 覃於率土可大赦天下自開元二十七年二月七日

昧爽以前大辟以下罪無輕重已發覺未發覺已結正未
結正繫囚見徒常赦所不免者咸赦除之自開元已來諸
色逋負痕累人等咸從洗滌令許自新所司更不須以此
為累其有別勅停官及亡失爵者放歸不齒之類量加收
叙左遷官及諸色流人並稍量移近處朕每念黎甿常恐
失所救其困乏所貴一作必在及時比來諸州或有損處所在
賑給例逼春農比及奏報又淹時月既無救於懸絕亦何
成於惠養自今已後每年至秋收後即宜遣使分道宣慰
仍與採訪使及州縣相知巡檢百姓聞或有乏絕不自支

濟者應須蠲放及賑給便量事處置訖奏聞天下百姓
放今年地稅州縣官月料徃緣錢有濫惡致損於人或徇
私者多得罪亦眾所以改支庸調將便公私聞百姓之間
加織造若以此勞弊又非得所自今已後宜各以當道所
鑄充其月料古者三載考績黜陟幽明允叶大猷以勸天
下比來諸道所通善狀但優仕進之輩與為選調之資責
實循名或乖古義自今已後諸道使更不須通善狀每至
三年朕當自擇使臣觀察風俗有清白政理著聞者當別
擢用宗廟致敬必先於所在神人所依無取於非族深惟
至理用切因心其應緣太廟五享宜於宗子及嗣王郡王
中揀擇有德望者令攝三公行事其異姓官更一作不須

差一作攝其草澤間有殊才異行文堪經國為眾所知不

求聞達者所在長官以禮徵送皇太子與男宜並封授官

邠王守禮寧王憲各與一子三品官其内外文武三品已

上賜爵一級四品以下各加一階長公主及嗣郡王各與

一子官郡主縣主各放一子出身二王後及諸方蕃客宜

各賜物諸致仕官量與進放依前致仕天下耆老百歲已

下版授下州刺史婦人版授郡君賜粟五石綿帛五段九

十已上版受上州司馬婦人版授縣君賜粟三石綿帛三

段八十已上版授縣令婦人版授鄉君賜粟兩石綿帛二

段京城父老宜共賜物三千段道僧等賜物一萬疋天下

觀寺六齋日宜轉經讀典懲惡勸善以闡文教赦書有所

未該所司類例處分率土之内賜酺五日五嶽四瀆名山

大川自古帝王忠臣義士並令州縣致祭其有亡命山澤

挾藏軍器百日不首復罪如初宣布中外咸使知聞主者

施行一作皆唐大詔令

文武孝德皇帝册尊號赦書長慶元年 元稹

門下皆我高祖太宗化隋為唐奄宅區夏包舉四海全付

子孫其何事哉彼昏盈而我勞敬也明皇承之能大其業

六戎八蠻罔不貢奉由是庶尹弛政庶吏弛刑視人不勤

視神一作盜不謹燕寇勃起洞無藩離六十有七年兵革大

熾其何事哉據逸安而易萌漸也逮我聖父勤身披攘斬

斷誅除天下略定曾是幽冀賜予懷來荷賴景靈丕訓不墜

環歲之內方平寧粵予何功時帝之力而卿大夫猥以大
號加于眇身讓于四三益甚其請皇太后如聞其事歡然
慰心慈旨下臨臣誠上迫祗受太一作禮凜乎余懷尚念
昔者七十二君莫不升中慶成自以為堯舜莫已若也然
而不為堯舜之行者來代無傳焉朕嘗推是為心不欲名
浮於實今卿大夫謂我為文武孝德矣其將何道以匡予
予其業業兢兢日慎一日慕陶堯虞舜之行以自勉思文
祖憲考之道以自勤予苟不思無忘納誨於戲溢美之名
既不克讓及一作潤物之澤夫何愛焉可大赦天下

一作皆唐大詔令

大中二年正月三日冊尊號赦書

編制

門下我國家披皇圖以立極執大象以升中睿父嗣孫

作睿嗣

重熙累盛逮予稽古聖孝紹復中興洗滌宿氛廓

開昌運天命不易賜予元符荷宗社之耿光致寰瀛之小

泰干戈載戢風順雨時北狄來賓西戎効職詔令豈予非

薄汔此肅清皆中外元僚文武多士同心協贊而使之然

益用競慙以戒盈滿而乃累陳丹懇願上鳴名牢讓不從

瀝誠彌切於戲昔賢有云舜何人也我何人也苟或讓之

不遂予亦敢不思齊今百執事謂予曰聖敬敢忘湯武日

躋之詩謂予曰文思敢忘放勛欽明之典謂予曰和文敢

忘保大之功謂予曰光孝敢忘繼志之義以是自勗庶無

悔焉浮實之名既不獲已乘春之澤當務惟新可大赦天

下自大中二年正月三日昧爽已前大辟罪已下已發覺未發覺已結正未結正繫囚是徒罪無輕重咸赦除之惟正犯十惡五逆已上故殺人及官典犯贓不在此限持仗行劫必欲害人苟遇支敵即行殺戮捍逆追捕肆意奸宄不懲此流無以除惡并故殺人者雖以自今已後稍更廣求如有未曾任刺史縣令居然有誠略才術為眾所推者亦任於諸色人中選擇為兩省官周之宗盟寔惟封建漢之子弟亦謂大牙廣盤石之宗增維城之固當今源流遠大枝葉蕃昌王室子孫不合布素宜令本司檢尋譜牒明驗房從貧窮不濟未有身名者每房放一人出身如有父兄在朝門蔭可自補身名者即不在此限應諸州府縣等納

稅只合先差車牛優長戶近者多是權要及豪富之家悉留諸縣輸納致使單貧之人却須僱脚般載從今已後須令有車牛豪富人戶送太倉及州府輸納其留縣並須先饒貧下不濟戶如有違越節級官吏重加科殿所在逃戶見在桑田屋宇等多是暫明東西便被隣人與所由等計會推云代納稅錢悉將砍伐毀折及欲歸復多已蕩盡因致荒廢遂成閑田從今已後如有此色勒鄉村老人與所由并隣近等同點檢分明分拏作狀送縣入案任隣人及無田產人且為佃事與納稅錢如五年內不來復業者任便租佃人為主逃戶不在論理之限其屋宇桑田樹木等佃人逃戶未歸五年內不得輒有毀除砍伐如有違犯據

根口量事情科責并科所由等不檢校之罪諸道州府應
欠開成三年終已前因水旱不熟貸借百姓及軍用欠闕
借便度支戶部鹽鐵錢物斛斛積欠相承日月既久百姓
或無本戶長吏累又改更全無本色可以支填所司徒有
徵索之名終無送納之日虛繫簿書宜並放免三公僕射
不常除官每至上時須有聚會委以府縣即須擾人宜令
度支戶部勾當局席便取京兆府本色錢充不得令府司
差配百姓吏部去年冬選人如聞多緣文字差錯所司駁
放既添員闕亦可矜容若非身名踰濫及欠選欠考并準
格不合收外其餘委吏部與重磨勘量收待殘闕比遠注
擬上已重陽曲江宴會自有本色伍伯貫錢費用之間不

令欠闕每聞差配百姓不免擾人從今已後宜令京兆府
先與度支鹽鐵計料據所用一物已上除以本色錢物外
如有欠少即委度支鹽鐵據數均給府縣不得輒配百姓
其所市易並須先給付價錢如有妄配百姓買物不給價
錢官吏等並準此同枉法贓例處分仍令御史臺切加察
訪天下州府有官吏犯贓皆迺相蒙蔽不肯發明縱有申
聞百無一二自今已後管內縣令有犯贓事發州司不舉
者連坐錄事參軍有贓犯刺史不舉者坐刺史其刺史有
贓事發觀察使不舉者連坐廉使則迺相檢轄功過可明
各務清廉悉心爲政度支鹽鐵戶部三司茶綱欠負多年
積弊斯久家業蕩盡無可徵索虛繫簿籍勞於囚繫者復

委本司各條流理聞奏如先將茶賒賣與人及借貸人錢物若文帖分明的知詣實即與帖州縣徵理如組織平人妄有指射推勘了後重加決責釋氏之教清淨爲宗將悟昏迷實資善誘上都除先置寺外每街更各添置寺五所東都除先置寺外更添置寺五所每寺各度五十人每處僧寺三所尼寺二所西川荆南揚州潤州汴州太原河中襄州已上八道除先置寺外更各添置寺二所每處僧置寺一所尼寺一所諸道節度觀察使府除先置寺外更各添置寺一所其所置僧寺各度三十人諸道管内州未置寺處宜各置寺二所僧寺一所尼寺一所每寺各度三十人五臺山置寺五所如有見存寺便令脩飾充寺每數度

五十人數內置尼寺一所已前添置寺宜並先度僧尼漸漸教化建造寺宇不得遽有勞役其僧尼年幾限約并諸條流準會昌六年五月五日赦條事例處分道濟生靈功成克伐晦明雖隔禮敬宜加唐功臣墳墓無子孫者不許砍伐委所在長吏差人巡檢爰念農耕是資牛力絕其屠宰須峻科條天下諸州屠牛訪聞近日都不遵守自今已後切宜禁斷内外文武任及致仕官三品已上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉道宗魯聖禮洽虞賓式舉舊章以榮一作崇後嗣二王三恪及文宣公各賜物五十疋環衛星陳華夷雲集眷茲勞効俾示恩華神策六軍金吾威

遠皇城等諸軍將統軍已下各有賜物其將士等長行立
仗并守營者各賜物有差鳴臚禮賓院應在城內蕃客等
并節級有賜物澤貴流根宜頒祿秩義隆追遠用慰孝思
常叅官及諸州府長史父母見存未有官封者並量與五
品致仕官及階并邑號父母亡歿未經追贈者量與追贈
官及邑號攝侍中讀寶官攝中書令讀冊官各賜一子出
身撰冊文賜一子正員官奉寶綬官書玉冊官書寶官各
加兩階進寶綬進冊進中嚴外辦禮儀贊導押冊押寶綬
舉昇寶冊官各加一階其餘應職掌行事官太常脩撰儀
註禮官并內行事官三品已下賜爵一級四品已下加一
階仍並賜勳一轉鑄造玉冊官各賜物五十段中書門下

儀制官特加一階禮崇養老道貴旌賢爰示優恩以弘教
化天下百姓年九十已上委所在長吏量加存問孝子順
孫義夫節婦旌表門閭終身勿事先已旌表者亦量加優
卹川岳玄功聖賢幽贊宜因霈澤用薦馨香五岳四瀆宜
委本州長吏備禮致祭名山大川自古聖帝明王忠臣烈
士委所在以禮致祭亡命山澤挾藏軍器百日不首復罪
如初赦書有所不該者所司具作條例聞奏敢以赦前事
相言告者以其罪罪之赦書日行五百里布告天下咸使
聞知主者施行

元和十四年七月二十三日上一作冊尊號赦

編制

門下朕聞惟人戴后因事必極於推尊惟辟奉天有善必歸於讓德在敷景化以答玄功居有勞謙之思進多蒲假之懼緬自遂古何嘗不由是而致理焉朕獲續睿圖祗膺神器上奉大祭下安群生恭已臨軒競懷馭朽志欲周於四海念常切於一夫旰食宵興唯恐失墜運屬休泰時丁小康方隅廓清氛祲銷盪斯乃上荷乾坤之垂祐宗社之降靈下賴鄉士之叶心戎臣之宣力端拱嚮道推誠任能豈予寡昧用集丕績况至化猶鬱勤憂未寧而中外臣僚文武多士累陳懇疏並進昌言願獻鴻名以增虛美詎衆心而率籲轉切顧眇身而內愧靡安乃操吉辰爰受典冊種告于清廟虔聞于昊天當茲盛儀夕惕增厲於戲朕自

初加景號在徽章而孔備諒淨實而多慙宜因行慶之辰誕布惟新之澤與物咸遂永孚于休可大赦天下自元和十四年七月十三日昧爽已前大辟罪已下已發覺未發覺已結正未結正繫囚見徒罪無輕重咸赦除之唯故殺人及官典犯賊不在此限左降官量移近處已經量移者更與量移如復資者即任赴選集丁憂去任服闋日亦與量移如有親故在上都任於所司陳狀便與處分不必更待本州申請如準前制已合量移有司未註擬者並任累叙并別勅因責授降資正員官所司亦與處分亡官失爵放歸不齒者量加收叙流人移隸等並與量移近處僧尼道士移隸者得罪人已亡歿家口未放歸者一切放

歸如自情願住者亦聽住左降官及流人先有官者如有已亡歿各還本土應反逆緣坐配流在遠處身已亡歿者如有親戚任便歸葬棄瑕宥過既咸達於幽明錄善舉才庶無遺於廢滯或中外前資見任官如有因瑕累未階錄用并左降官事情可恕才行足稱者宜委中書門下量加簡拔隨能錄用妖克久阻污脅所加今既盪清宜從洗滌其淄青舊管內官吏將士百姓等縱有跡同惡逆掛涉流言事在往時一切不問維新之後仍不得遞相糾告革其弊俗阜彼遺人切在分憂期於共理卽曹濮淄青沂海等三道百姓久淪寇境皆被殘傷宜委本道觀察使刺史設法綏撫務令安輯勲籍所著常典必行常恐踰時無忘終

食應平淄青諸道立功將士宜委本道速準前勅條疏聞奏當與甄獎自經討伐鋒刃所交言念傷殘每深憫惻其淄青舊管四面官軍陣亡將士等已有前勅處分收葬量事致祭其是賊徒遺骸委在中野者亦委所在州縣速與掩瘞輦轂之下萬邦所瞻封畿之內百役斯集未言凋瘵是用蠲除其京畿諸縣今年秋稅戶青苗及秋冬季權酒錢每貫量收四百文從元和五年已前諸縣百姓欠負錢物草斛斛等共一十三萬五千一百一十三貫石速委京兆府踈理具可放數聞奏天寶已後戎事方殷兩河宿兵戶賦不入軍國費用取資江淮繭絲所收寧免加厚物力有限水旱相因歲月既深凋瘵亦甚眷言及此憫歎良多

今上天垂休氛沴清息師旅之後又茲豐穰省事恤人庶
乎惠養其淮南浙江東西宣歙江南湖南福建山南山東
荆南等九道今年秋稅錢合上供者每貫量放三百文度
支其今年秋稅留州留使錢并鄂岳共十道每貫量放一
百文度支元和五年已前諸道州府監院送省除前制放
免外諸色欠負逋縣錢物等共四百二十八萬八千八百
貫石等監院鹽鐵使從貞元五年已後至元和五年已前
制踈理量放外應負諸色錢物斛斛共三百三十二萬二
千一百五十一貫石等戶部從建中三年已後至元和九
年已前除前制踈理外諸色欠負錢物共計五十三萬九
千四百六十四貫石等並委本司踈理具徵可放數聞奏

御史臺及秘書省等三十二司公廨及諸色本利錢其
保逃亡者并正舉納利十倍已上攤徵保人納利五倍已
上及展轉攤保者本利並宜放免其正舉未至十倍亦委
御史條疏聞奏京城內私債本因富饒之家乘人急切終
令貧乏之輩陷死逃亡主保既無資產亦竭徒擾公府無
益私家應在城內有私債經十年已上本主及原保人死
亡又無資產可徵理者並宜放免比來州縣多不定戶貧
富變易遂成不均前後制勅頗有處分如聞長吏不盡遵
行宜委觀察使與刺史縣令商量三年一定必使均平其
京兆府亦宜準此河隴迥遠風沙早零動切烟塵之虞居
勞晝夜之警方加拊勉寤寐在懷緣邊諸軍自今已後所

給衣賜及軍糧價直宜委支稍加優恤展材効用旣竭忠
勞行慶覃恩所宜優給内外文武見任及致仕官三品已
上賜爵一級四品以下加一階仍賜勲兩轉神策六軍金
吾威遠皇城諸道將士等普恩之外賜勲三轉諸道將士
經淮西淄青兩度立功者更賜勲兩轉詩歌有客王道攸
存禮著先師儒風載闡永懷後嗣寧忘加恩二王三恪及
文宣公賜物五十疋仁親爲寶睦族是先霈澤所行用頒
慶賜大長公主長公主嗣王各有賜物宸居所拱禁衛斯
嚴寄切爪牙効彰忠勇恩榮素厚寵錫宜周神策六軍金
吾威遠皇城等諸軍將軍已下各有賜物其將士等長行
立仗者并守本營者每人各賜有差四夷來庭萬里觀禮

業遠之義恩不可遺鳴臚禮賓院應在城內蕃客並節級
賜物昭受冊典永垂鴻休皆惟皇臣克贊盛禮崇階高爵
任子延恩式示寵章以明酬獎讀冊官侍中韓弘讀寶官
戶部侍郎平章事皇甫鏞並加一階已至三品者賜爵二
級撰冊文官中書侍郎平章事崔群與一子正員官奉冊
寶綬書玉冊書寶官加兩階進寶綬進冊禮儀贊導押寶
綬舉昇寶冊官加一階其餘應職掌行事官寫制書官太
常脩撰儀注禮官并内侍省行事官三品已上賜爵一級
四品已上各加一階仍賜勲兩轉鑄造玉冊并填金字造
寶官等各賜物五十段每懷先正尚想舊勲將以勸忠故
茲進錄故尚父子儀贈太師晟贈太尉秀實各與子孫中

一人八品官張巡許遠南霽雲顏杲卿真卿各與子孫中
一人出官陝州元從奉天定難功臣三品已上普恩之外
賜爵一級四品已上更賜勳三轉身歿未經追贈者宜與
追贈太學崇儒教化根本兩都國子監館宇如有隳壞處
宜令本司計料聞奏當與脩葺官屬師氏委中書門下及
所司精慎選擇用贄納諫常所虛心計科求人抑有古典
天下諸色人中有賢良方正能直言極諫博通墳典達於
教化軍謀宏遠堪任將帥詳明政術可以理人者委中書
門下尚書御史臺及諸司四品以下清望官五品已上清
望官諸道觀察使刺史各舉所知仍限來年正月內到上
都朕當親自策試宗子中如有才行可稱者委宗正寺及

所在長吏具以名聞仍委中書門下量才叙用國典舊章
墜廢滋久者各委本司條疏奏請當議施行元和元年己
來制報處分有未遵行者委御史臺提舉聞奏大明黜陟
署在格言所以考官吏之濁清究黎人之利病敷我化理
屬于使臣宜委中書門下選黜陟使分巡天下恤其耆老
必及於州閭表其行義用敦乎風俗天下百姓年百歲以
上各賜米五石絹二疋純綿一色羊酒有差九十以上各
賜米三石絹兩疋仍令本縣令就家存問孝子順孫義夫
節婦旌表門閭終身勿事先已旌表者量加優卹祀典所
載朝章是崇或美利在人或遺風可慕必資申敬乃副予
誠五岳四瀆宜委本州府長吏備禮致祭名山大川及自

古聖帝明王忠臣烈士各令所在以禮致祭亡命山澤挾
藏軍器者百日不首復罪如初赦書有所不該者所司具
作條例聞奏敢以赦前事相告言者以其罪罪之赦書日
行五百里布告天下咸使知聞

文苑英華卷第四百二十二

文苑英華卷第四百二十三

翰林制詔四

赦書四

尊號赦書二

寶曆元年四月二十日冊尊號赦文

編制

門下朕聞奉天地之大統必酌于人心荷宗祖之誠訓必
參于國典顧惟眇身守任重器道未能被物德不足蓄身
賴于宗工碩老輔導丞弼享祧主詔令鬯重燎告玄履曆
正元敷施大號庶方咸若四表穆然皇祖披攘之基列聖
焦勞之業恬焉而有泰焉而居晝以度心夜以省已其何
德以堪之方將法乾以行健體咸而致和執冲以固高守
約以持滿而文武百辟章奏四上以爲人心不可以曲讓

國典不可以矯違亦用慰于太皇太后皇太后之意屈而後俞諒非獲已豈不以予非生知欲以徽稱懿號誘掖勸慕之乎將使循名而勉其實力實而應其名乎然則予方且以爲常弦方且以爲箴誥懋于皇極庶無尤違是宜與物同利惟新大澤可大赦天下自寶曆元年四月二十二日昧爽已前大辟罪已下已發覺未發覺已結正未結正繫囚見徒罪無輕重咸赦除之惟故殺人及官典犯賊不在此限應左降官未經量移者宜與量移近處丁憂去任服闋日亦與量移如准前制已合量移有司未注擬者並任累叙流人未到所在及已到未經量移者並與量移近處僧尼道士移隸未經量移者並一作亦與量移近處中外

前資見任官頃因延累未及用才并左降官中有事情可恕名跡素聞者宜委中書門下量加獎用勿使屈滯授田制祿歲久而弊深留獄要囚期舒而濫廣隱冒啓逃姦之漸倍稱成豪奪之源亟舉舊章猶循宿蠹永言謀始必俟申明在京百司職田散在畿內諸縣舊制配地出子逐畝平攤比量舊制孰爲久便宜委京兆府與屯田審計會條疏奏聞如京城諸司捕繫推鞠經旬時每季御史巡囚罕能察訪舉劾積成寃滯爲弊頗深宜委御史臺重舉用長慶元年七月十八日赦文條件聞奏京畿百姓多屬諸軍諸使或戶內一人在軍其父兄弟子弟不受府縣差役頃者頗有制勅處分如聞尚未遵行宜委京兆府重舉用長慶

元年七月十八日赦文條疏聞奏應京城內有私債經十年已上曾出利過本兩倍本主及原保人死亡並無家產者宜令臺府勿爲徵理應天下典貼得人庄田園店等便合祇承戶稅本主收贖之日不得引令式及言私契組織貧人令煩而政撓積習而弊生欲其適宜須有釐革使人不倦必在變通今年正月七日制勅處分條目中有未經施行者委御史臺令提舉仍條錄聞奏宜委百司官長各具條疏當司科病奏聞擇其善者當議改更弘文崇文館生及齋郎三衛所用資蔭踰濫頗多澄源清流切在釐革宜委禮部兵部侍郎條疏以文法可行用者兼每蔭別限年限明作條例聞奏懋官述職御示侮宣威暨于庶僚咸竭

乃力峻其爵秩以極封崇內外文武見任及致仕官三品已上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉列虞賓之位崇褒聖之胤所以闡德教而昭前烈也二王三恪及文宣公各賜物三十疋朕上奉兩宮下臨九有庶幾廣愛之道以行教化之風太皇太后皇太后二等已上親委中書門下約舊例量加優賞二廣分營六師環衛梯航貢奉玉帛會同旣勤勞而可嘉亦懷來之所尚神策及六軍金吾威遠皇城等諸軍將軍統軍以下各有賜給其將士等長行立仗者并守本軍本營者各賜物有羞鴻臚禮賓院應在城內蕃客等並節級有賜物宜資盛禮潤色鴻徽爰錫寵

於崇階亦推恩於任子攝侍中讀寶官門下侍郎平章事
實易直攝中書令讀冊官中書侍郎平章事李程各賜一
子出身撰冊文官左僕射平章事李逢吉宜依舊例賜一
子出身正員官奉冊奉寶綬官書玉冊官書寶官各加兩
階進寶綬進冊中嚴外辨禮儀贊導押冊押寶綬舉昇寶
冊官各加一階合入三品者待考足日聽叙合選人減一
選其餘應職掌行事官及駕制書官太常修撰儀注禮官
并宮內行事官三品已上賜爵一級四品已下加一階仍
並賜勳一轉造玉冊并填金字造寶裝官各賜五十疋前
王之令政未有遺年前哲之格言寔先顧行義存忠厚教
裕家邦天下百姓九十已上委所在長吏量加存問孝子

順孫義夫節婦旌表門閭終身勿事先已旌表者亦量加
優卹生甫炳靈出圖表異故能發洩雲雨蓄涵風雷望秩
之儀必資蠲潔五岳四瀆宜委本州府長吏備禮致祭名
山大川及自古聖帝明王忠臣烈士令所在以禮致祭亡
命山澤挾藏軍器百日不首復罪如初赦書有所不該者
所司具作條例聞奏敢以奏前事相告言者以其罪罪之
赦書日行五百里布告天下咸使聞知

會昌二年四月二十三日上尊號赦文 編制

門下昔我高祖太宗始造區夏闢乾坤以覆載竭日月以
照臨盛德耿光格于上下昊天有成命我二后受之列聖
丕圖克大其緒文綏武靖奕葉連枝逮予續修罔敢失墜

誠欲追縱在昔貽範將來陶末俗於至和返大朴於已散而道不足以居域中之大文不足以成天下之化恭已南面夙興夕惕遐想理古歎然于懷至於嗣歲豐穰寰海康靜祇泯滅息華夷大同茲實監祐自天匡救在下諒非已出安敢自多而三台百辟陳忠歷懇加我大號其何以堪謂予守文宜述先志抑而不行者三請確而不拔者群誠豈貪在已之名始念從人之欲祇應典冊良深惕勵於戲顏子匹夫也猶曰舜何人哉矧有其位行其教化而不思齊其道也尚念交修俾克用又今維夏長養之時動植之物莫不自遂思有以導迎和氣生活吾人是用稽犧經之作解法虞書之肆赦推恩宥過思與詔作與物同休可大赦天

下自會昌二年四月二十三日昧爽已前大辟罪已下已發覺未發覺已結正未結正繫囚見徒罪無輕重咸赦除之唯犯十惡叛逆已上故殺人及官典犯賊不在此限應左降官恩赦後未經量移者與量移近處丁憂去任服闋日亦與量移如準前制已合量移有司未注擬者速與處分流人未到所在及已到未經量移者並與量移近處僧尼道士移隸未經量移者亦與量移近處中外前資見任官頃因延累未及用才并左降官中有事情可恕名跡素聞者宜委中書門下量加獎用勿使屈滯俗未臻於富庶念每切於黎元衣食寡充肝旻興嘆百司田疇地有高低歲有善惡傷於水潦則低地不稔稍遇亢旱即高處無苗

近聞州縣長吏掩其災損務求辦集唯於熟苗上加徵將填欠數致使黎元重困惠養全乖自今後州縣百姓有遭水旱苗稼不收處檢驗不虛更准前後勅文被免不得加徵熟田人戶令本配額外重出斛斗商通百貨士奉公程俾無行旅之虞在去荏蒲之聚應州郡連帶江湖常多寇盜結構群黨潛蓄弓劍殘害平人剽劫財物道途商賈常患不安方今海內無虞所宜普奏委諸道節度防禦使如界內帶江山淮海處切加警備仍差巡檢更於要害處加置軍鎮捉搦擇有機畧軍將鎮守遊奕明立賞罰如能設計擒獲賊黨二十人以上并獲贓物推問行劫蹤跡分明者量其功蹟節給優賞仍與遷職如界內有劫殺不能捉

獲者亦節級重加懲責仍委出使郎官御史及所在巡檢院切加訪察不得更使因循邊戍禦扞戎夷士卒衣糧最為切事如聞逃亡浸廣營壘多虛又供給公私皆率官健妻孥困乏不免飢寒委本道節度使與監軍使躬親點閱據逃死欠闕人數便取軍中少壯有武藝子弟填替不得遺有虛名其見在將士衣糧皆湏及時給付正身不得輒有減刻別將支用令其凍餒仍委出使郎官訪察聞奏有違當案覆科貶抑強扶弱實王道所先賦役以均則窮人靡怨度支鹽鐵戶部諸色所由茶油鹽商人準勅例條免戶內差役天下州縣豪宿之家皆名屬倉場鹽院以避徭役或有違犯條法州縣不敢追呼以此富屋皆趨倖門貧

者備當使役其中亦有影庇其疑作真偽難分自今已後委本司條疏應屬三司及茶鹽商人各據所在場鹽正額人名牒報本貫州縣準勅文處分其茶鹽商仍定斤石多少以為限約其有冒名接脚短販零少者不在此限其小舖所由主人牙郎火夫牛戶父兄弟并在任州縣依例使例所冀勞逸稍均疲人蘇息給事郊廟之服奉繭絲之稅蠶桑是繁封植攸資宜設科條用絕違犯勤課種桑比有勅令每年奏聞如聞都不遵行恣為剪伐列於市肆鬻為柴薪州縣宜禁斷不得輒許更賣犯者科違勅罪理貴便人事存可久苟非撫實則昧適時州府兩稅物斛斗每年各有定額徵科之日皆申省司除上供之外晉後晉州

於額內方圖給用縱有餘羨亦許州使備水旱其晉使錢物更令諸道分析破用去處所立文帳皆是構虛文百姓懇田承前已申頃畝及斛斗單數近年又令其人戶稅錢等第墾田水陸頃畝挾縣鄉分析徒為繁弊無益政途今年已後並宜停送州縣攝官假名求食尚懷苟且不卹疲人其闕少官員處並委本州刺史於當州諸縣見任官中量閑劇分配公事勾當如官員數少力實不逮處即於前資官中選擇清謹幹用者差攝不得取散試官充職制祿授田著於定制貪猾利已不修舊章應畿內在京百司職田方聞本地多被狡吏及豪強平直隱蔽廻換遙指荒閑墾薄田地即配與浮客佃食危被豪吏欺隱如或因循

不存勾當官吏等必當節級處分使命經行供備夫役既
隳額例事頗姦欺須議舉明以全物力江淮兩浙每驛供
使水夫價錢舊例約十五千已來使過元額須別供舡夫
近日相承取索無度從蘇常已南每驛便供四十餘千或
界內或四五驛往來須破四五百千宜依往例不得數外
妄供如更有違長吏已下節級書罪立政之本所務均平
設法之源在絕僥倖京畿諸縣太常樂人及金吾角子皆
是富饒之戶其數至多今一身屬太常金吾一門書免雜
差後今日已後只放正身一人差使其家下並不在影庇
限涉歷吏事蓋崇理本自因近制却啓僥倖門太和九年十
二月十八日勅進士初合格並令授諸州府叅軍及緊縣

簿尉未經兩考不許奏職蓋以科第之人必弘理化黎元
之弊欲使諳詳非唯可塞僥倖門實亦用懲澆俗近者諸州
長吏漸不遵承雖注縣寮多縻使職苟從知已不顧蒸人
流例寢成侵費不少况去年選格更當府充職一人從事
兩諸科錢虛占吏曹正員不親本任公事其進士宜至合
選年諸道依資奏授州縣官即不在兼職之限武官選用
本求才藝近日入仕多門虛偽轉甚就中兵部武選其弊
尤深都無本根妄兼甲曆但求遷轉莫可討尋其武選且
停見任武官即仰依前守職仍差官量與修甲曆得甲曆
定然後許前資赴集輦轂之下諸色人中非吏非商閑行
遊手愒名趁事潛得容奸自今後有自謀職任私用貨財

詭計多端經過朝貴者委御史臺京兆府嚴加察訪捉搦畿甸賦繁園陵至重先事立制冀免虛勞親陵栢栽每歲添補約力計費役用至多歲久而不見其功人勞而未除其弊蓋由栽值動土須先奏聞待勅下有司及擇日到縣已過期限豈盡施功空閱數以計傭皆朝種而夕朽自今已後每至歲首委有司於正月二月三月八月四箇月內擇動土利便之日先下奉陵諸縣分明榜示百姓至時與設法栽植畢月縣司與守管使同點檢據數牒報與折本戶稅錢高秩峻級榮蔭子孫蓋寵勞能著存令式近者漸寡廉撲多補名身不獨假蔭近房兼有規求厚利選曹既屬磨勘長吏不聞糾繩此弊公行吏途太濫自今後並須

準格用蔭人數年限不得逾越委吏部及御史臺嚴加覺察據其選授官到本道本州須審磨勘稍疑踰濫及察知冒賣資蔭便收禁牒報有司愆官述職禦侮申威暨于庶僚咸竭乃力峻其爵級以極封崇内外文武見任及致仕官三品已上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉位列虞賓冑崇褒聖所以闡德教而昭前烈也二王三恪及文宣公各賜物五十疋二廣拱辰五營列衛明庭執玉航海會朝念申力以賞勞示懷柔而優寵神策及六軍金吾威遠皇城等諸軍將軍統軍已下各賜物有差鴻臚禮賓院應在城內蕃客等並節級有賜物光贊典冊發揮鴻名實

賴重臣共揚休烈爰推恩以廣愛亦峻給以崇階攝侍中
讀寶官中書侍郎平章事李紳攝中書令讀冊官右僕射
兼中書侍郎平章事崔拱一作拱是各賜一子出身撰冊文官
司空兼門下侍郎平章事李德裕賜一子出身正員官奉
寶綬官書玉冊官書寶官各加兩階進寶綬進中嚴外辨
禮儀贊導押寶冊官各加一階其應職掌行事官三品及
寫制官太常修儀注禮官并內行事官三品已上賜爵一
級四品已下一階仍并賜勳一轉鑄造寶冊并填金字造
寶裝玉冊官各賜物五十段養老引年旌閭表行冀弘忠
厚之倍以振節義之風天下百姓年九十以上委所在長
吏量加存問孝子順孫義夫節婦旌表閭閻終身勿事先
已旌表者亦量加優卹降神表峻出寶應圖秩視公侯德
穰災患式崇明祀咸薦吉蠲五岳四瀆宜委本州長吏備
禮致祭名山大川自古聖帝明王忠臣烈士各令所在以
禮致祭亡命山澤挾藏軍器百日不首復罪如初赦書有
所不該者所司具作條例奏聞敢以赦前事相告言者以
其罪罪之赦書日行五百里布告天下咸使聞知主者施
行

文苑英華卷第四百二十四

翰林制詔五

赦書五

禋祀赦書一

赦書

沈約

門下朕昧且

一作爽

夙興念茲治道而明不燭遠弘之未易

仰尋先烈思致隆

一作升

平日頃多故戎役

一作車

代有軍政

國容事緒非一刑禮參用未臻和簡何隅之情永言增歎

今郊禋載洽幽明允從思隆

一作崇

嘉祉被之兆庶可大赦

天下主者施行

一作皆初學記

南郊恩詔

前人

門下卜日禋饗政道莫先厚下布澤哲王是務朕仰祗靈

眷俯臨億兆歲象廻環恭事亡及牲玉必荐感敬備申升
煙燎於穹昊致精誠於太一思霑颯可亥切南風也潤惠茲窮生
應天監三年內犯奪勞及左降可悉原降繼甫職不充人
身及家口質繫悉散還私家督備前歲三五犯譴因及隨
曹景宗授司州委叛應謫役者並量所蠲降尚書所檢巧
陳淫辭普更開恩百日各聽自首不問往罪京師三縣尤
窮之民詳加賑恤土者速條格施行

南郊恩詔

前人

門下朕肅膺乾賦君臨率土雖日晏劬勞而仁恕未洽星
瑄驟廻履端告始裡饗云備誠敬廉兼一作申宣和布澤情
深待旦凡內外文武可各賜勞一年叛亡未擒若百日內

自首還役不問往罪女子質繫悉且散遣文書輕重坐罪
並皆從原主者詳為條格疾速施行

南郊赦書

張九齡

門下朕獲主三靈于今一紀聽政中晏每不敢康觀書乙
夜將求諸道頻年已來每思至理詔令作為理思至或遠人不率
或嗣歲不登淳朴未還惕厲斯在為人上而慙德奉天明
以畏威故祝史宣辭必期於陳信郊丘備禮將俟於昇平
今正宗廟降靈克開厥後乾坤交泰保合太和麟鳳龜龍
玄符黃瑞之祉蠻夷戎狄梯山航海之琛莫不日月以聞
道路相屬顧惟不德承茲休運欽若昭報疇咨故實所以
今年獻春恭祠詔令后土季秋吉日追崇九廟採必先於

魯集作經稽肆類於虞典爰因長至欽謁上玄告受命之
元符昭嚴配之成績大典云備至誠克展諸侯駿奔來於
穆之相百神受職率咸秩之文六變已陳三獻斯畢蓋春
秋之大事莫先乎祀王者之盛禮莫重於郊柴燎克終感
慶罔極豈予一人之福亦爾萬邦之賴宜因咸和之際俾
承厚下之澤可大赦天下自開元十一年十一月十六日
昧爽已前罪無輕重已發覺未發覺已結正未結正繫囚
見徒大辟罪已下咸赦除之其十惡死罪造僞頭首劫賊
殺財主在不赦例就中仍慮有冤濫者所司具狀送中書
門下盡理詳覆奏聞朕將親覽其有亡命山澤挾藏軍器
百日不首復罪如初敢以赦前事相告言者以其罪罪之

升壇行事官及供奉官三品已上賜爵一級四品已下加
一階諸獻官并準此升壇例内外文武官及致仕并前資
陪位者賜勳一轉緣大禮有職掌并押當者更加一階齋
即並放出身皇親諸親陪位未出身者並放選已出身者
賜勳一轉親王公主各與一子官三品衛監門黃衣長上
飛騎萬騎并仗内雜色人在齋宮宿衛及諸色人有資勞
人緣大禮有職掌并流外行署預見大禮者亦賜勳一轉
其充香爐執扇及禮生祝史贊者賜勳外簡日選優與處
分兵士宿衛齋宮并諸色無資勞緣大禮職掌及京兆府
百姓緣南郊祗應者各免其家一年雜科差南北衛將軍
率中即將宿衛齋宮者並同升壇例其諸軍節度大使及

三都留守雖不陪位委寄既重特宜同升壇官例百歲老人賜綿帛五段粟五碩縣令至其家存問給付孝子順孫義夫節婦旌表門閭終身勿事已旌表者量加優恤諸州百姓或因逢水旱流寓未安者宜令所司與朝集使即作賑乏恤一作安輯法奏聞其單貧衛士番鎮久次令州府長官簡擇灼然者放免番役征行人家州縣檢校勿使侵欺磧西鎮人途路懸邈一作特宜賜勲一轉鰥寡憫獨亦令州縣倍加矜恤使得存濟元置義倉救人不足承前貸百姓糧及種子未納者並放免不得却徵自古聖帝明王忠臣烈士名山大川並令所管致祭其已得贖官人并輕詔令作轉累未得處分非老弱疾病猶堪處事者量加收叙使免失

職其左貶官非逆人五服內親及犯贓賄名教者所司責勘奏聞量移近處其官人有清白政術堪任刺史縣令及抱器懷才不求聞達者州長官具以名薦宗室中有孝悌才術為衆所知仍在卑任者委宗正具以名奏君臣一體休戚共焉朕欽承天命恭傳大寶蓋憑累祖餘業得一之符亦由群公舊勲不二之力永言繫賴其敢忘之自武德已來實封功臣知政宰輔有身無大故而亡官失爵子孫淪屈者所由勘實具以狀聞存者可籌其官榮逝者當錄其胤嗣使幽明同慶知有今辰亞獻邠王守禮終獻寧王憲各賜物一千疋捧俎申王搗夾侍岐王範薛王業各賜物柴百疋侍中源乾曜中書令張說兵部尚書同中書門

下三品王峻各賜物伍百疋正衣駙馬都尉王守一王繇
温曦宗正少卿崔澄各賜物三百疋二王後賜物一百五
十疋壇場使京兆尹孟温禮賜物二百疋脩造羽儀使賜
物一百疋脩撰儀注官五品已上賜物一百疋六品已下
賜物七十疋自餘陪位預宴官一品賜物一百疋二品三
品八十疋四品五品六十疋六品七十疋七品四十疋八品九品
三十疋鴻臚諸蕃使與見大禮及在本蕃王侯大酋長並
同宴會例給賜郡主縣主各賜物八十疋緣大禮數處有
職掌者任於一頭從高叙天下州府賜酺三日京城五日
前任所在百姓村坊宴樂不得科率聚歛其有處分未該
者令所司及本使比類奏聞赦書日行五百里主者施行

東封赦書

前人

門下朕聞天監惟后后克奉天既合德以受命亦推恩而
復始厥初作者七十二君道洽德集作跡著時至符出皆用
事于介丘升中於上帝人神之望盖有以塞之皇王之序
固可得而言也朕接統千歲承光五葉惟宗祖之德在人
惟天地之靈作主往有內難幽贊而集大勲間無外虞守
成而續舊服未嘗不乾乾終日思與公卿大夫上下叶心
聿求至理以弘我列聖其庶幾乎馨香令允有大寧群氓
樂業時必敬授而不奪物亦順成而無夭懋建皇極幸致
太和泊乃幽遐率由詔令皆感被戎狄不至集作軌唯文告而
來庭麟鳳已臻將覺悟而在藪以故凡百執事亟言大封

顧惟不德初欲勿議伏以先聖儲社與天同功荷傳符詔

作慶以在今敢侑神而無報大節斯在朕何讓焉遂奉遵高

祖太宗之業憲章乾封之典時邁東土柴告太岳詔令作

宗精意上達盼嚮來應信宿行事雲物呈祥登降之禮

斯畢嚴配之誠詔令獲展百神群望莫不懷柔四方諸侯

莫不來慶斯事天道之介福邦家之耿光也無窮之休祉

豈獨在予非常之惠澤宜其逮下可大赦天下自開元十

三年十一月十三日昧爽已前大辟罪已下罪無輕重已

發覺未發覺已結正未結正繫囚見徒咸赦除之唯十惡

死罪不在此限詔令流人未達前所者赦還其有狹藏軍

器亡命山澤百日不首復罪如初敢以赦前事相告言者

以其罪罪之內外文武官三品已上賜爵一等詔令四品

已下加一階邠王守禮寧王憲岐王範薛王業各與一子

三品官公主嗣王郡主縣主各與一子官其應文武行從

官加階之外並賜勳兩轉三衛引詔令駕細引黃衣長上

飛騎曠騎先有武散官者加兩階未給武散官者各賜勳

兩轉衛士馬主戎車主幕士掌閑供膳太常及仗內音聲

人行署及蕃官七色并別勅雜色定名行從人亦賜勳兩

轉緣大禮登山供奉侍從行事輦脚等官三品已上特賜

一階仍與一子官四品已下特賜一階仍賜勳兩轉量與

進改其四軍別抽登山宿衛及諸司上山執當官三品已

上賜爵一等仍與一子出身四品已下加一階賜勳兩轉

亦量進改其白身人及行署蕃官放蕃選其山下昇壇行
事官三品已上加爵一等賜勲一轉四品已下加一階賜
勲一轉選日稍優諸獻官及宿衛齋宮將軍率中郎并即
將并兩京留守諸軍節度使並同昇壇例諸有職掌押當
非昇壇例諸有職人加一階選日優量其加階應入三品
五品人非特賜者並依十一年三月二十八日勅節限齋
即禮生見任官前資官已上人並依資量材與處分未出
身者放出身皇親別勅承勅詔令無此字恩陪位者亦準此諸
州岳牧四府長史朝覲陪位者泛階之外各賜勲一轉諸
方使人及諸州父老宗姓并從家子孫至岳不得陪位者
並賜勲一轉賜物五段諸州及兖州道僧至岳見大禮者

並賜物五段孔子後褒聖侯量才與處分天下致仕官各
依本品賜一季祿并束帛其陪位者仍賜勲一轉諸蕃侯
王酋長來會禮者各加一官至都節級並與賜物其入朝
留在邊軍人亦準此其蕃中知一作候衙官刺史縣令並

賜物及袍帶突厥可汗小殺等諸國王守護塞垣歲月朝
貢並宜賜物副使將往侍老年百歲已上者版授下州刺
史婦人版授郡君年九十已上者版授上州司馬婦人版
授縣君年七十已上者版授縣令并婦人並級量賜粟帛
其預見大禮侍老各別加侍丁一人孝子順孫義夫節婦
旌表門閭終身勿事行人之家及鰥寡惇獨并疾病不能
自存者委州縣長官倍加存卹諸軍行有文武散官已上

者加一階白身者賜散勲一轉欠負官物逋懸租調並宜
放免其行過州縣供頓劬勞并貼頓百姓有雜差科并車
馬夫役者並免一年租賦詔令兖州免二年租賦詔令當
頓官人始末不絕者與中上考仍賜勲一轉朕永惟王業
繫賴舊勲元首股肱其猶一體自武德已來功臣宰輔或
名存王府遺嗣沉淪或身無大故銜屈泉壤宜令所司訪
擇申理唐元六年六月二十六日按唐書唐隆元年六月
十日玄宗定內亂睿宗
二元景雲今赦文避玄宗諱隆故作
改唐元是也復增六年六月字則非立功官人往屬艱難
能盡忠義今成大禮何日忘之宜各與一子出身無子者
任回與周親之人有司試策三道等第收獎朕躬陟天門
宿齋日觀時屬嚴冬雪後初夜風寒朕因露立祈恩誓欲

代人當咎俯仰之際頓息霜飈奠獻之晨變同韶景誠荷
上天垂祐亦賴靈山吐祥詩云無德不報宜封太山神為
天齊王禮秩加三公一等宜令所管崇飾祠廟環山十里
宜集此禁其樵採給近山二十戶役以奉神祠率土之內
賜醮五集作日任於村坊內宴樂不得聚詔令歛煩勞其
節文有未霑及者所詔令司比類奏聞其封祠集作有數
處行事者從一處叙赦書日行五百里主者施行

后土赦書

前人

門下昔者巡狩所至柴瘞所在蓋取誠享以遵告類朕恭
承祖宗之烈獲主神祇之祀夙夜祗畏不敢荒寧故勒兵
朔陸先展義於汾詔令杜迴旆睢上遂有事於郊壇王者

父事天母事地漢氏祈穀未始正名周禮降神乃為徼福而已朕以天命之重子道為先惟茲精誠在乎敦孝庶蒙福於四海期永康於兆人是以率由舊章敬恭明祀嚴配之誠既展奠獻之禮又終且春秋之義大事在祀齋祭之福庶品維祺豈獨在予而有斯慶可大赦天下自開元二十年十一月二十一日昧爽已前大辟罪已下罪無輕重已發覺未發覺已結正未結正繫囚見徒常赦所不免者咸赦除之官人犯贓及有罪詔令被推者本罪雖原不得更令却上仍別與處分自先天詔令非已來有雜犯流移人等并配隸人等各量移近處左降官未經量移及經量移未復本資者奏聽進旨詔令天下遭損免州應損戶成

詔令一分已上者及供頓州無出今年地稅如已徵納聽

折來年地稅逋租懸調貸糧種子欠負官物在百姓腹內

者並宜放免其不損免一作州自開元十七年已前所有

貸糧種子負欠官物在百姓腹內者亦宜準此諸州緣供

頓所差貼助夫亦放其家今年地稅孝子順孫義夫節婦

旌表門閭終身勿事諸州侍老百歲已上賜粟七石九十

已上賜粟五石八十已上賜粟三石所由速付勿淹旬日

大原路府侍老等先已加恩不在此例亞獻皇太子鴻賜

物二千疋終獻慶王澤賜物一千疋邠王守禮寧王憲薛

王業各賜物一千疋忠王浚已下各賜物三百疋夾侍正

衣進珪捧珪汝陽郡王淳等各賜物三百疋皇太子夾侍

正衣各賜物一百五十疋裴光庭蕭嵩弼亮朕躬弘益斯
遠不有優異何殊等夷詔令加階賜爵之外各與一子官

無子者任與周親仍各賜物三百疋二王後各賜物二百

疋長公主各賜物三百疋嗣王郡王縣主各賜物二百疋

行從文武官三品已上賜物八十疋四品五品賜物六十

疋六品七品賜物四十疋八品九品賜物二十疋昇壇官

三品已上特賜一階四品已下各加一階應入三品五品

官階相當不限考數聽得入知頓使及判官脩禮儀官撰

玉冊文官知頓御史加一階脩壇場州刺史及書冊詔令

壇官各賜物一百疋其已有昇壇職掌從一頭處分緣大

禮有職掌官賜勳三轉行從官首末不絕及陪位官各賜

勳兩轉内外文武官三品已上賜爵一等四品已下各加

一階致仕官三品已上賜物七十疋四品五品各五十疋

行從蕃客鴻臚安置陪位見大禮者宜賜物五十疋節級

分付南北衙應宿衛齋官官及左右廂知兵馬虞候惣管

已下詔令及判官詔令別奏兼孔目官等更加勳一轉前

資官選日稍優與處分自守身三字一人有資勞者簡選

之日優與處分無資蔭者賜勳兩轉南北衙行從三衛飛

騎萬騎引駕細引伏一作及監門直長主帥黃衣長上各賜

勳兩轉仍各賜物五段兩營弩一作手六番併行宜各賜

勳兩轉物五段仍量折番後諸衛曠騎及兵角弓手官馬

主掌閑幕士駕士供膳主習馭工人樂詔令人雜戶官戶

白身有職掌人合行從人等各賜勲一轉物三段其齋即
 既是見任官準壇上壇下有職掌官例處分執彈三衛及
 禮生贊者各減二年勞無勞可減者簡選日稍優與處分
 流外行署從者各賜勲一轉有職掌者各賜勲兩轉供頓
 州刺史同陪位官例始末專知頓官各與一中上詔令作
上中
 考蒲州刺史寶鼎縣官同昇壇官處分管壇一鄉百姓給
 復二年蒲州侍老等準太原潞州例降一等處分武德初
 功臣每有大慶必存追遠業叅運始義合賞延其子孫沉
 翳無在朝者宜令勘實即與一子官唐元初立功臣一作
官
 等艱難之際誠效亦深言念其初豈忘終始其三品已上
 各賜一品官五品已上各賜紫金魚袋有亡歿者優贈一

官仍與一子官一子先一作
已得官者選日優與處分兩京

留守京兆河南尹四大都督府長史諸軍節度副大使準

行從官例處分諸方通表疏使人預見大禮準陪位官處

分諸道戰詔令
作陣亡人家仰州縣存恤不周濟者量事賑給

諸軍詔令
作道徒兒別勅行人各賜勲一轉仍令所司速勘會

團奏官寫告身送付諸道行人或有身死被詔令
作波逃猶徵

課役累及親隣即宜審勘為其除削皇親中有文武才用

堪任使者委宗正具薦詔令
作具
以合上當與獎擢五岳四瀆名

山大川自古聖帝明王忠臣烈士輔相各令致祭務盡誠

潔赦書有所不該者所司比類聞奏亡命山澤挾藏軍器

百日不首復罪如初敢以赦前事相告言者以其罪罪之

率土之內賜醕三日赦書日行五百里布告天下詔令作
咸使聞知主者施行

文苑英華卷第四百二十四

文苑英華卷第四百二十五

翰林制詔六

赦書六

禋祀赦書二

天寶三載親祭九宮壇大赦天下制

遜逖

門下九宮之祀百代莫修豈日給之不暇將明靈之有待
朕當宸君臨握圖績業每聽政中旻疇咨讜言觀書乙夜
以求故實勵精為理三紀于茲上荷宗廟延祥克開厥後
下賴股肱叶德以致邕熙而麟鳳龜龍近遊郊藪蠻夷戎
狄遠輸賚乘時年一作來之休運恢皇王之遠圖是以圓
丘方澤之儀昇中告類之禮靡一作無典不舉靡神不懷恭

惟九宮明祀尚闕載深兢惕用建靈壇爰以元辰親執奠
獻叶青陽一作春發生之慶祈黔庶吉祐之福今至誠式展
大禮云備瑞景和風神心如谷則無疆之祉豈獨在予非
常之澤宜覃率土可大赦天下自天寶三載十二月二十
五日昧爽已前大辟罪已下罪無輕重咸赦除之其十惡
死罪造偽頭首謀殺攻劫及官典犯贓不在免限朕惟善
政實在養人作法務從於寬簡任事必量於齒力比者成
童之歲即掛輕徭既冠之年當便正役憫其勞苦用軫予
懷自從以後天下百姓以十八已上為中男二十三已上
成丁又任土作貢先標程式或非所有不免貨遷事既非
宜理難經久并應徵課稅及支遣諸色物或期程之間遲

速 一作 非便並委所司與朝集使商量取便穩處奏置

實錄載赦文云每歲庸調八月徵收農功未畢 諸軍行人

恐難濟辦自今已後延至九月三十日為限 遠為邊捍修短之分雖有定期後從而終良深軫念其有

陣亡及在軍亡歿骸骨未還鄉貫者宜令節度使給棺櫬

迺歸又防邊禦寇實為艱勞貧戶單丁固茲 疑 存養更令

差遣去住難堪自今已後應差行人家無兼丁不在取限

自古聖人皆以孝理五常之本百行莫先移於國而為忠

事於長而為順末言要道實在弘人自今已後令天下家

藏孝經一本精勤誦習鄉學之中倍增教授郡縣官長明

申勸課百姓間有孝行過人鄉閭欽伏者所由長官具以

名薦其有父兄見在別籍異居虧敗名教莫斯為甚特宜

禁絕勿使更然并親歿之後亦不得令有分析郡縣切勒
令在惟行自今已後如有不友不恭傷財破產者宜配磧
西用清風教朕朕惟熙庶績博訪逸人豈唯振拔滯淹以期
於大用亦欲褒崇高尚將敦於薄俗虛佇之懷兼在於此
其有高蹈一作道一作不仕遁跡丘園遠近知聞未經薦舉者委
所在長官以禮徵送又崇德追遠式閭封墓用旌前烈以
叶大猷自古聖帝明王名臣烈士陵墓有頽毀者宜令所
管一作掌一作量事修葺仍明立標記禁止樵採天下侍老百歲
已上賜帛五段粟三石八十已上帛三段粟二石仍於郡
縣長官存問給付重獻太子諱宜賜物二千疋終獻慶王
琮一千疋正衣夾侍各五百疋親王各三百疋新封建郡

王及國公各一百疋賢妃三百疋長公主各三百疋公主
各二百疋嗣郡王各一百疋中書門下三品竭心竭戴弘
益實多各與一子官如先已授官量與一人轉内外文武
官三品已上賜爵一級四品已下各加一階一品賜物七
十疋三品已上六十疋五品已上四十疋六品已下二十
疋諸節度使各賜物一百疋三京留守及二王後各八十
疋採訪使各六十疋諸蕃客共賜二千疋其唐元功臣締
構之初竭其忠款錄功念舊情所不忘普恩之外更賜一作
加一階其身歿者各贈一官皇親五等已上及九廟子孫
諸親三等已上未有出身者並放出身其前資者選日稍
優與處分見任者更賜勲兩轉應天下賜酺三日赦書有

所未該者所司類例聞奏宣布中外咸使知聞主者施行

一作皆唐大詔令

南郊赦

天寶六載

內制

門下昭事昊窮必惟禋祀蓋順帝則而成政也肅雍清廟

必惟嚴享一作必嚴大享蓋繼先志一作蓋叶先心而為孝也則累聖之

德在人元陽之氣在候所以達明靈之景貺迪皇王之

微一作猷者矣朕夕惕宵衣奉天績業勉思政道惟懷永圖

賴百一作列辟庶官匡予不逮聲朔及遠車書靡殊加以乾

符神珍日來月至感福應之尤盛懼明祠之未殷且資父

事天因一作自親設教洽情以達禮廣敬以推尊時享之誠

寧宜異數日舉之饋豈忘事生是用革故鼎新禮物對越

上靈聿追嚴配既而崇牙宿設明德惟馨敬爾工駿奔執

豆陟降至止一作丘止樂備禮成精意上升神休下荅宜廣

維祺之福以覃作解之恩

同前天寶十載

內制

門下皇天眷命必順於五行哲后御時實遵於三統考古

之道何莫由斯朕欽若上靈一作玄嗣守丕業察璿衡以齊

政念稼穡以勸人日慎一日四十載于茲矣何嘗不夙夜

懼畏憂勞在懷思共黎元臻夫至理幸以刑清俗阜天成

地平萬方底寧群物咸遂雖慙大化且謂小康此皆至道

儲祉宗社敷祐豈予薄德一作而克致焉然則上稽曆象

傍採輿議爰以土德承漢火行是憑大易之辭用紹前王

之烈禎祥累應正閏攸分不改舊章惟新景命一作屬獻

歲初吉乘時布和是用展禮一作崇禋竭誠昭布一作庶

叶發生之序載覃雷雨之祥一作澤

一作皆唐大詔令

拜南郊制 景龍三年十一月二十三日 內制

門下朕聞展禮禘祖昊穹著其成命就陰即陽經一作墳典

明其大節故豺獭有祭下不隔於微品犧牲畢陳上以先

一作老於嚴配軒皇用事則雍旁五祠漢帝潔齊則城南七

聖用一作固能使敬而不黷求而不匱祈穀則九載可登焚

柴則三載無闕是知上靈大德不私於亭毒之仁正直聰

明有感於馨香之荐瞻高欲語無易茲道我高祖神堯皇

帝開階立隧一作極配求循機太宗文武聖皇帝仗金策而

清四方運璇機而齊七政高宗天皇大帝與乾坤合其德

與日月合其明則天大聖皇后建補天立極之功受河圖

洛書之統五精歸運四葉重光朕虔順樂推欽承眷命紹

宏基於累聖日慎斯兢執大象於群生夙興如勵遠人殊

俗占風而起一作集蠻邸美瑞休符繫月而揮一作輝史筆故

得三邊靜柝五兵銷刃寰宇大寧人神式序而德慙被物

誠謝動天水旱尚臻陰陽猶舛求以憂懼一作易無忘鑒寐

然則事天事地莫盛乎禋祀弗躬弗親孰申乎誠敬朕自

臨四海于今五年幸承桃社之靈未展郊丘之謁方今朔

風候律南至一作晷登辰乘上日而恭饗奉高禋而肅事揚

宗祖之休命酌壇塲之令典百神受職三才合契備殷薦之容行昭報之禮豈惟靈光所燭但驗其徵方冀後先不違實受其福至若五刑之屬十惡為重自頃恩赦罕聞該及朕以眇身膺乎大寶下人不足每切如予之傷上帝所臨敢逃在予之責閑居三月未弭厥倦靜念終朝載增寅畏侑神伊始與物惟新用弘曠蕩之恩以答高明之祝可大赦天下 云云

一作皆唐大詔令

祠后土制

內制

門下朕聞大事在祀禮極于郊丘大德曰生道存乎赦宥故至誠斯感允接神明之休盛典聿脩必敷雷雨之施古

先帝代躬祀后土所以崇兼載之功配博臨之義有虞氏之合禘遍于山川成周氏之從祀逮于林澤西漢汾陰之睢東洛翠媯之禪雖制無休備而道有可觀曹馬以還數百餘制無載蓋設儀而不服或誠信而未孚有其廢祀莫之能舉我國家受命也承百王之季啓三統之元高祖神堯皇帝膺錄授圖繼天立極太宗文武皇帝弔人伐罪南征北怨是用拯生靈於塗炭登物態於休和高宗天皇大帝維睿作聖垂衣而理大聖天后受 關 托從權當宁化治中宗孝和皇帝允恭克讓守文御寓能致刑措於變時雍朕以眇身恭荷丕構常恐政理乖中風雨愆期暢慮周於萬方疚懷深於一物幸乾坤交泰宗社降靈氣無疵癘之

災物遂生成之性呼韓慕化侍子趨庭月支請職名王入
貢大荒同軌瀛海無波俯循涼德載懷寅畏故以歲首肅
事裡宗爰撰令辰親祀方澤採黃圖之舊制定累朝之前
基神地取則於禮經宥密同規於詩頌三祖登配群望畢
從咸池之舞在列合鍾之管斯陳祥風入候當乎八變之
殷瑞日揚暉屬乎三獻之始臣工助而胥悅兆庶觀以相
趨精誠克申感慶交集頃緣刻籍已肆青災貸宥之道未
應頻降但精享云闕既曠代而方修福釐所被思寰宇之
同休疑宜因大典式暢洪恩可大赦天下
貞元元年冬至郊祀大赦天下制 陸贄

與孝遠敬莫大於廢祀虧孝莫大甚於黷神朕以眇身
屬承大統縱欲敗度浸生厲階兵連禍深變起都邑六師
播蕩九服震驚郊廟園陵陷於兇逆神人乏主將迨周星
列聖大集作業幾墜于集作地遠敬虧孝罪由朕躬撫臨
萬邦甚用自愧側身思咎庶補將來股肱元臣比義叶德
瓜牙衆集作士戮力同心誅集作大憝而京邑廓清翦逋
寇而閔河底定茲朕再與王公卿尹洎億兆之人備其威
容修其禮物薦誠清廟展敬圓丘陳謝罪愆告情集作雪
耻感慕慙惕若無所容上帝顧懷再新景命豈伊匪集作
德獨荷鴻休思與普天誕膺多福可大赦天下自貞元元
年十一月十一日昧爽已前云云李希烈僭逆不道誠所

難容朕憫念蒼生務息征討頻降集作詔令許其自新若

能歸降依前待之以不死淮西管內將士官吏百姓等一

切原宥與之如初先有官封亦皆復舊如能特建功效集作

業者當別超擢若家口親屬在諸道者長吏撫綏各使安

存其歸順百姓仍委節度觀察刺史給空閑地任便安居

優復終身務令全集作濟大事平已四字集作符聽歸本

貫云云自頃兗渠唱亂逆將附姦保據國都憑陵旬服朕

出次郊邑再遷巴梁險阻艱難靡不經歷暴亂之後乃彰

烈士之功憂危之中方見直臣之節錄勲進善其可弭忘

應奉天興元元年元從立功集作并收京城將士食實

封者各隨文武與一子官餘並加兩階仍賜勲兩轉其文

武百寮應扈從到興元府者五品已上賜爵一級六品已

下各加一階云云自建中四年已來有身死王事義烈著

明未經褒贈者本道即具名銜事蹟聞奏諸道有解退官

隸州府長吏功務安存仍量以空閑田地給付集作免其

差役任自營生社稷之勲以輔興王業統帥之任以惣制

戎麾集作職弼諧集作者其德崇授旌集作節者其功

大方鎮乃國之垣翰禁衛實予之爪牙尹京實賴於集作

肅清主計尤資於辦集所頒慶澤宜越常倫司徒兼中書

令晟宜與一子五品正員官并四品階諸道副元帥各與

一子五品正員官都統與一子六品正員官中書門下平

章事充節度使各與一子七品正員官節度使及神策兵

馬司六軍充節軍金吾六軍大將軍判度支侍郎各與一
子八品正員官都團練都防禦等使京兆河南尹金吾六
軍將軍殿前射生兵馬使各與一子九品正員官多難已
來三十餘載克平禍亂屬在戎臣或節著艱難或勲高戰
伐受任雖專於惣帥成功亦賴於群材懋賞推恩宜加徧
嗣諸大將功業崇高者各與一子官本使即詳定錄名集
具狀聞奏副元帥都統兼節度使下每道共三十人節度
使下每道共一十人都團練都防禦使下每道各十八人
如大將子孫之中有藝業優長性行純確者本道使具狀
聞薦仍量事資集支集作給令赴上都朕當隨材授官以充侍
衛庶使功臣之後與國無窮故尚父子儀先朝元勳再復

京邑贈太尉秀實以死為

集作

國節冠古今宜各與子孫

一人五品正員官自至德已後節度使大將忠烈績効著

明其後淪替

集作

者所司即條錄聞奏與子孫一人正員

官諸色人中應在賊中

集作

潛奉神主頃已甄賞宜更優

崇

云

江淮轉運使檢校左僕射同平章事韓滉勵精勤

職夙夜在公漕輓資儲千里相繼事無憊素人不告勞拯

于凶灾厥有成績可進封晉國公關畿之內連歲與戎荐

屬天灾稼穡不稔穀糴翔貴蒸黎困窮倉廩空虚莫之賑

贍每一興念惻然痛心宜令度支取江西湖南見運到襄

州米一十五萬石設法搬赴上都以救百姓荒饑如山路

險阻車輓

集作

難通仍召貧人令其搬運便以米充脚價

務於全活流庸庶事優饒副朕勤恤立國之道始於親親所以厚骨肉之恩弘集詔令教化之本况荐經艱故宗族漂淪敦穆之情有加常日大長公主長公主公主各與一子七品官嗣王却主縣主各與一子官出身如宗子中有德行才能者宗正卿具以名聞當別獎任致理之本在乎審官審官之由資乎選士將務選士之道必精養士之方魏晉已還流風未革國庠鄉校唯尚浮華選部禮闈不稽實行學非為己官必徇人法具非精弊將安故宜令百察詳思所宜各修議狀送中書門下參校得失擇善而行有虞建官三載考績在漢為吏或長子孫蓋以吏久於官則人情不苟官久於事則理化有成日者制度廢隳考課乖

舛淹速靡準升降無名欲令庶僚何所懲勸自今已後刺

史縣令未經三考不得改移集作自餘非在職績効殊尤

亦不得越次遷轉刺史停替須待魚書內外五品已上及

常參官在任年考已深者即量其才効與改中外迭處以

觀其能夫明目達聰務廣聞見或慮懷才抱器之士輸忠

納諫一作之倫地處幽遐無由自達求言於此夢想不忘

應諸色人有長策濟時忠規匡主者任具陳所見請所居

之州委刺史畧與討論觀其肯趣但有裨理道不涉私情

便與附驛遞進朕當親覽自立兩稅經今六載或初定之

時已有偏併或戶口減耗舊額猶存輕重不均流亡轉甚

集作委度支即折衷條理以恤困窮古者雖有水旱人無

菜色皆由儲蓄不匱勸導有方前代所置義倉國初亦循集作其制備灾救乏甚便於人宜即準貞觀故事天下所

墾見田上自王公下及百姓每豐稔之歲秋夏兩時州縣長官以理勸課據頃畝多少隨所種粟豆稻麥逐便貯納

以為義倉如年穀不成即量取賑給官司但為其法勸諭不得收作用度四字集作收骨各仍委本道逐便宜處置聞奏

敦本厚生如資播殖當今所切莫甚於斯自今後百姓有墾闢田疇加於常歲者所加之地不得輒更徵租稅其刺

史令長考課亦以本界墾田多少為殿最今年蝗蟲損甚集作州府開春之後量給種子以便集作農功天下應荒

開地集作有肥沃集作堪置屯田處委當管審細檢行以

謂色人及百姓情願者使之營田如部署精當收穫數多

本道使刺史特加褒昇屯官等節級優賞如是逃田地本主復業即集作却給還輦穀之下四方會同供應既多難

為準定急賦煩役人何以堪宜令京兆尹與度支計會長安萬年兩縣每季各先貯備錢五千貫文於縣庫收納定

清翰官專知應緣卒須別索及雜供擬并工匠等縣令與專知官先須給付價錢季冬集作之後申度支勘會應關

和市和顧並須先給價錢兩稅外一物已上不得科配百姓御史臺朝廷紀綱尚書省理化根本百度得失繫乎其

人自頃制勅施集作行所司多不遵守主詔令臣奉職豈所宜然委御史臺左右丞切糾稽違無壅朕命云

文苑英華 卷一百三十五

皇朝

文苑英華卷第四百二十五

文苑英華卷第四百二十六

翰林制詔七

赦書七

禋祀赦書三

貞元九年冬至大禮大赦天下制 陸贄

門下朕以寡德屬當大統皇天眷祐俾主兆人懼不克承
夙夜祗畏緬慕前列致于昇平予心浩然罔知攸濟小大
之務曷嘗不勤蒞蕘之人亦莫不敬慮每存於致理忠恒
在於恤人中宵屢興終食累嘆一事乖弛詔令作當怒焉疚懷
一夫罹殃側若傷體思於海內同臻太和息其戰爭保其
生業降心從衆實匪有詔令作靡有辭克已利人誠無所
恡然以視聽有極思慮難周况乎長自深宮安於近習損

益之理寧免過差幽遠之情固多未達由是兢兢砥礪悔
 往修來燭理所患於不明推心庶幾於無負日慎一日于
 今十有五年矣上靈降鑒多士叶誠五稼屢豐四鄙不憂
 方鎮輯睦干戈底寧邊壘繕完殊方款附協天地會昌之
 運實宗社無疆之休慶既荷於玄功禮有昭於大報矧惟
 霜露之感求切孝思禋燎之儀每勤精意將申誠敬其在
 躬親是與公卿大夫虔奉犧牲恭奠珪璧陳其文物薦其
 馨香類秩集作秩記於太壇朝享于清廟率職來助萬邦攸同
 備物致嚴百禮具舉誠慕獲展神人允諧明發永懷慶感
 斯集純嘏所錫豈惟朕躬思俾普天均承惠澤可大赦天
 下自貞元九年十一月十日昧爽已前云其見於官司

辨對者亦並集作便與免官人犯贓不可令其却上已後勿

以為累左降官及流人并量移云竄謫遐裔冀速霑恩

比者準制量移所司皆待申牒屢加盤覆累涉歲年既甚

淹遲且不均一宜令吏部刑部審細檢勘本流貶及量移

勅旨比類元犯事狀輕重兩月內與處分内外文式云

從我巡符涉於艱難錄其忠勞宜有優異應從奉天扈從

至與元府文武官將士等普恩之外三品已上賜爵云

兵興已來垂四十載稅額集作既煩重人已集作多困窮因之

以流離加之以凍餒為人父母實切哀傷誠由德化未敷

集作耗斫猶廣每欲蠲復使集作與之小休迫於軍儲有意

未就姑示勤恤減其田租惠貸非多良深憫愧天下百姓

貞元十年地租斛斗應合度支收管者宜並三分減收一分如當管無屬度支斛斗即減放合送上都十分之一其所放斛斗錢物並委巡院官與觀察經畧等使計會審勘定數分明榜示百姓仍具申奏去年以來所有貸糧種子並存百姓腹內者一切放免富國集作裕安人在於薄歛必不得已簡則易從自頃削去煩苛定為兩稅既無他撓集作擾頗便於時朕推誠御人所貴在集作存信保此成法期於不踰九百有司所宜遵守儻求取無節則因緣起集作啓姦獲利失人殊乖朕意諸司諸使及諸州府除兩稅外別有科配悉宜禁絕近年以來因和市和糴欠負百姓錢物並即填還已後官司應有市糴者各須先付價直不得賒集作賒

先取抑配因茲歛怨擾人水旱為災古人集作今不克苟有

豐蓄集作備則無凶年間屬多虞里閭凋耗如務求於日給

不遑慮於歲儲一穀不成人則艱食害至而救其傷已多

俾無餒殍之憂將在備之而已宜委諸州府長吏每年以

當管廼殘餘羨錢物穀賤時收糴各隨便近貯納年終具

有無多少報中書門下兼申考功以為考課升降如有替

代各分明交領準前申報若遇災異集作旱不稔即量事給

與集作賑百姓輒有集作轍將充諸色用者以枉法贓罪之其

勸課百姓自置義倉仍準貞元元年十一月十一日制處

分立人之道惟孝與忠孝莫大於榮親忠必先於竭節惟

爾師長鄉集作卿校洎乎方岳列藩保乂皇家交修庶績竭

節之效既昭乃誠榮親之恩宜洽國典應内外文武清望
職事官并節度觀察都防禦團練等使父在未有官量授
檢校五品官母在未有邑號者各封集作授邑號云佐運
之臣納忠之輔功既存於社稷慶宜及於子孫故周錫土
田漢傳帶礪膺集作其爵邑與國始終固以明報德之恩
勸為臣之節詔令其或年代未遠利澤猶存詞宇已變於
荒墟胤嗣不編于集作於仕籍思其人猶愛其樹况奠享之
主而不加省錄者乎興滅國繼絕代所以禮先賢也脩宗
廟敬祀事所以教追孝也化俗歸厚此其大綱集作應九
廟配享功臣及武德以來將相名節特高有封爵廢絕祀
廟無主者宜許以子孫一人紹封以時享祀自今以來集

後應有家廟子孫但傳襲封爵者並許享祔于集作廟其

有毀賣私廟及買之者各以犯教義論自古聖帝明王忠
臣烈士各令所在長史以禮致祭書叙明目達聰垂拱而
理詩稱濟濟多士文王以寧捨已從人故能通天下之志
弃瑕錄用故能盡天下之才昔在太宗勤求理道納諫如

響任賢勿疑致裕於太平垂範於永代朕獲承鴻緒追慕
集慕聖猷書之座隅恒自儆勵朝夕翹想度聞嘉謀集作

夢寐勞集作懷思得良士凡厥在位所宜共成集作宜諸

司官有陳便宜者各盡所見條疏封進事有寬滯政有關

遺悉當極言無或隱避詔勅不便於時所司執奏以聞天

下有蘊德懷才隱居不仕委所在觀察使表荐當以禮邀

致諸色人中有賢良方正能直言極諫或博通墳典達於教化或詳練故事長於著述或精習律令曉暢法理或該明吏術可委理人或識洞韜畧堪任將帥委所在州府長史及臺省常叅官詳錄行能舉奏仍牒報吏部其所舉人並限來年七月內到京朕當親試應緣大禮職掌行事並與加恩主者施行

長慶元年正月三日南郊改元赦文 編制

門下朕聞自昔盛王之所以合天地諧神人莫過乎誠敬致其誠展其敬莫重於祭祭之大者莫大於郊廟故必躬行而心奉之然後百靈助慶萬國蒙福此帝王之孝也我國家祖宗功德立極配天日月所照雨露咸被孝思善繼

聖敬允升郊丘歲奉於嚴禋宗廟時修其明薦朕以冲昧自獲纘承仰荷睠命懼不克享幸天多祐俾歲大穰河朔底寧邊封靖謐及此元日至于上辛式遵典禮有事郊廟當祇見之夕感慕增懷洎大報之辰誠敬彌勵因體元而紀號用敷化以覃恩可大赦天下改元和十六年爲長慶元年自長慶元年正月三日昧爽已前大辟罪已下罪無輕重已發覺未發覺已結正未結正繫囚見徒咸赦除之惟故殺人在十惡內者及官典犯賊不在免限左降官量移近處已經量移者更與量移如復資者即任便赴選集丁憂去任服闋日亦與量移如有親故在者都任於所司陳狀便與處分不必更待本州府申請如準前制已合量

移有司未註擬者並任累敘并別勅因責授刺史已下降
資正員官亦與進改亡官失爵放歸不齒者量加收叙流
人未到所在及已到者與量移近處已量移者并放還僧
尼道士移隸者亦與量移近處并得罪人已亡歿家口未
放歸者一切放歸如有情愿住者亦任左降官及流人先
有官者如已亡歿各還本所詔令自今日已前所有痕累
禁錮及反逆緣坐等一切並與洗滌其左降官及流人如
所坐之罪本因犯賊到任及所配處未經二年者不在量
移其天德軍流人滿十年即放廻其糧賜委防禦使便別
召人充補營田驅使朕自君臨萬寓常思子惠群生每念
困窮猶勞杼軸宜加恩於寰海用蠲賦於齊昨天下百姓

今年夏稅每貫放一百五十文底貢之宜本於任土阜財
之道亦在使人天下州縣應徵科兩稅權酒錢內舊額須

納見錢數者並任百姓隨所有死段及斛斛依當處時價

詔令送納不得邀索見錢度支並鐵戶部應納茶稅及諸

色見錢兼糴鹽價中舊額須得詔令見錢數者亦與納時

值定段及斛斛其輕貸即充上供雜物當處支用如情願

納見錢者亦任穩便求為常式京城坊市聚貨之地若物

無集處即弊生其中宜委度支並鐵使於上都任商人納

權糴諸道監令在城疋段各有所入即免物價賤於外州

仍委所司具條疏聞奏其公私便換錢物先已禁斷宜委

京兆府及御史臺均加覺察理財正辭弊必除於既往蠲

通已責禁方絕於將來應度支塩鐵戶部三司所管諸官
吏所由人戶等欠負元和十三年已前諸色錢物斛斗等
各委本司盡理勘實如是貨疑作買易估招入已隱欺即準
條處分如緣收貯年深盤覆欠折水火沉蕪保累剥徵并
緣用兵之時所在貯備雜物準擬軍需及賊平之後不堪
上供勒令廻變因有損折如此之類除檢責家產及攤徵
元保外如實無可納空掛簿書連年囚禁者宜令各具色
目聞奏並與踈理其諸軍諸使應有欠負亦準此處分天
下兩稅外不得雜詔令作別有差率刺史若詔令作如違越委觀察
使舉奏觀察使或有事乖格勅刺史不得接受已有前勅
宜重申明仍委御史臺嚴加訪察不得妄稱供應及軍府

補迫捍禦疆陲必先財力使其節用方可實軍訪聞邊上
諸鎮比緣使臣所到或私申饋潛耗資儲假此為辭因而
積弊將令完緝功在立程應京西京北邊上諸軍州鎮自
今已後如有中使及郎官御史奉使到所管並不得與人
事比部令勾諸司錢糧詔令無糧字穀載在格令其事訛謬歲
月已深宜令中書門下精擇比部郎官修舉典制勾諸司
錢穀仍立時限具條疏聞奏山河之固險易不常疆理之
間廢興從便今干戈已戢寰宇大同壤制之宜所資垂久
應諸道諸州及諸縣宜委中書門下審商詔令無商字量制置
其州縣兼委觀察使刺史量閑劇利便可併省者具事宜
聞奏河北諸道管內自艱難以來久無刑法各隨所在徵

歛不時色日至多都無藝極宜委本道觀察使勘實據桑
產及先各徵配量輕重團定兩稅務令均濟其刺史已下
俸料仍據州縣戶口徵科多少并職田祿粟作等第河南
諸州府例條疏分拆聞奏如聞河南北州縣凋殘戶口未
復官員備設曹局至聞或非其才徒費其祿其縣州官各
據都邑大小量公事多少留置餘並權停仍先於久經假
攝才行彰著人內選擇委觀察使訪察勘實各具前後歷
攝勞考約前銜資序便與正授如先無官者以假攝年深
課績尤異各具事績聞奏委中書門下類例如資序或未
相當且令權知兩考候有政能即與正授其見在正官多
是流外遠不任公事切宜揀擇堪留者全給課料使其盡

心合減省者並勒停罷仍據已得資常選之內與減兩選
未得資者任以前銜便放選集仍名銜申牒有司自今已
後委吏部切加揀擇量才比擬所冀惠政及於疲人應諸
道管內百姓或因水旱兵荒流離死絕見在桑產如無近
親承佃各委州縣切加檢實據桑地數具本戶姓名申本
道觀察使於官健中取無莊園有人丁者量氣力可及據
多少給付便於公驗任充水業不得令有力職掌人妄爲
請射其官健仍量借貸種糧分番上下各任營農放三年
差詔令稅年限滿後據桑地準例團定合當下番營農者
作祖停給月糧其衣物賜及雜賞給並如舊應天下典人莊田
園店便合祇承戶稅本主贖日不得更引令式云依私契

徵理以組織貧人天下榷酒錢有已分配百姓處又別置
酒店官酤及諸色權率宜切禁斷應亡官失爵及放還流
人如有先庄田不經沒官被人請射作詔令主及子孫到
並委州縣却還務令安業州主牧宰職在親人其有徭賦
不均流庸未復刑罰不中教化未行必當分命使臣大明
黜陟三代致理皆重學官兩漢用人蓋先經術天下諸色
人中有能精通一經堪為師法者委國子祭酒訪擇具以
名聞將加試用稱成康之盛則舉措刑讚文景之德亦言
斷獄况自文祖太宗皇帝親錄囚徒躬省寃滯法官所選
豈易其人其大理寺官屬比來吏部所授多非其才宜令
精選詔令有志行詞學兼詳明法律注擬其有課績特殊

堪在朝獎者臺省官有闕宜先選擇部符共理按部分憂
繁於生人所任最切近日刺史或一歲再遷或累年尚滯
勞者不勸否者不懲自今郡守勤詔令奉詔條清廉可紀
者四考與轉其有殊績及久歷外郡者或就加章綬或擢
列朝行庶使中外有倫遠邇無異其刺史有闕委中書門
下選擇當時進擬不得稽遲其江淮諸道縣戶一萬已上
稅錢五萬貫已上皆謂之大縣所擇縣令宜準元和中二年
赦節文處分其去年二月五日赦書中所薦縣令兼取散
試官及白身并見任官者不學而製其弊固甚未操而割
所傷則多豈有白身及散試官未經試吏堪任縣令求言
及此殊匪朕懷又見任官更求舉荐亦長僥競不可施行

其散試官及白身並見任官令吏部並停注擬自今已後
所舉縣令更不得舉薦此色將致乎理必在官循其方將
盡其才必在吏久於政先朝深知積弊首舉具員近日因
循又不遵守遂令躁競者不安其位唯望速遷自今已後
宜委中書門下所有除授並依元稹二年具員勅處分其
諸道年終亦宜準承前勅停如刺史於留州數內妄有減
削非法破用者委觀察使風聞按舉必當重加科貶以誠
列取如刺史不承制勅不得稱有公事請赴本使其錄事
叅軍亦不得擅離本州將欲化人必先興學苟異名於俊
造宜甄異於鄉閭各委刺史縣令招延儒學明加訓誘名
登科第即免征徭天下所置常平義倉準元稹元年正月

赦書節文處置未便者委刺史各具事由條件聞奏有司
更與商量處分郵傳所置令式有文近年以來多有逾越
遂使馬蓄損耗供億勞煩宜準元稹二年赦書節文處分天
下諸州府縣官吏應行鞭撻本罪不致死者或假以責情
致令殞斃宜委御史臺及出使郎官御史等切加訪察聞
奏天下諸道或閉糴禁錢自爲條約自今已後切宜禁斷
仍委鹽鐵巡院勾當其内外文武及致仕官三品已上賜
爵一級四品已下各加一階陪位白身人賜勳兩轉故尚
父汾陽王賜大師晟賜太尉秀實各與一子八品官顏真
卿果卿張巡許遠南霽雲各與一子出身武德以來功臣
子孫量加獎用中書門下及節度帶平章事者各與一子

八品正員官祖父母及父母並與官封父歿母存者與邑號已贈已封者更與追贈及邑號禮儀使大禮使度支鹽鐵使京兆尹各與一子出身文武常參官并致仕官及諸道節度觀察經畧等使及神策等諸軍使父見存者量與致仕官母存者與邑號父母亡歿與贈官及邑號東都留守及諸道節度觀察經畧等使神策金吾六軍將軍威遠鎮國軍等使各與一子出身陝州奉天興元功臣更賜勳爵有差身歿未經追贈者並與追贈應元大禮移仗宿衛御樓立仗將士普恩之外賜勳爵有差仍準舊例賜錢物二十萬四千九百六十端疋貫大禮職掌行事官吏及番守等吏賜勳爵及加階升壇殿行事官更特加一階應在

城內蕃客等賜物有差常參官及刺史有停替及病假解官及終制未授官者委中書門下量才進擬其有情愿授致仕官者亦聽天下諸色人中有賢良方正能忠言極諫傳通墳典達於教化軍謀宏遠堪任將帥政術詳明可以理人者委有司各舉所知限今年十月到上都天下百姓高年者賜米及綿絹有差其元和十五年二月五日赦節文中有未處置者有司速舉施行庶令大信洽于天下百司之職布在舊章特舉正經必歸理本宜令尚書省應掌閑幕士御士醫工獸醫門僕藥僮御書手楷書手典書流外署等各賜勳兩轉通氣炳靈是資嶽瀆禦灾捍患爰想聖賢將達明誠式崇祀典其五嶽四瀆宜委本州府長吏

備禮致祭當極豐潔以副如在之誠名山大川及自古聖
帝明王忠臣烈士各令所在以禮致祭亡命山澤挾藏軍
器百日不首復罪如初赦書有所不該者所司具作條例
奏敢以赦前事相告言者以其罪罪之赦書日行五百里
布告天下咸使聞知主者施行

范英華卷第四百二十六

文苑英華卷第四百二十七

翰林制誥八

赦書八

禋祀赦書四

寶曆元年正月七日赦文

編制

門下朕以眇薄纂承洪構祇見九廟肇祀二儀外飾備物

中惟盡敬

一作志

昆蟲草木

一作水草

之實致豐於蠲潔哀樂和

愉之感庶交乎

一作於

神明四海駿奔衆祇受職冀下觀而

化皆內誠乎心百王之禮樂在陳列聖之聲詩合奏敬極

嚴配道備饗親虔奉成式惕然惴懼而今而後不敢滿假

庶無大悔以貽祖考之羞因體元以統曆遂頒

一作洽

恩而

大宥可大赦天下改長慶五年為寶曆元年自寶曆元年

正月七日昧爽已前大辟罪已下罪無輕重已發覺未發覺已結正未結正繫囚見徒常赦所不原者咸赦除之其官典犯贓不在免限左降官自長慶四年三月三日制後未經量移者與量移近處已經量移者更與量移如復資者即任依常調選丁憂去任服闋日亦與量移如有親故在上都任於所司陳狀便與處分不必更待本州府申請別勅因責授降資正員官未經改轉者亦與進改亡官失爵放歸不齒者加收叙縱元勅云終身不齒者亦量與收叙流人未到所在及已到者量移近處如已收叙者量才錄用并僧尼道士移隸者亦與量移近處得罪人已亡歿家口未許歸家者一切放歸如自情愿住者亦任諸色得

罪人中如先有勅云縱逢恩赦不在免限者并別勅安置者亦並宜委中書門下量事狀輕重節級處分左降官及流人先有官者如已亡歿各還本官流貶人所在身亡任其親故收以歸葬仍仰州縣量給棺槨優當發遣諸色人中有痕累禁錮及反逆緣坐等一切並無洗滌常參官及諸州刺史有先因停替及因病假解官并終制未授官者委中書門下量才進錄勿令稽滯致仕官未經改轉者量改官依前致仕諸軍先擒獲吐蕃生口配在諸處者宜委本道資給放還本國毋許因循所在停住國家與吐蕃舅甥之好彼此無虞自今已後邊上不得授納投降人并擒獲生口等天下諸州府縣官應行鞭捶本罪不至死者假

以責情致令殞斃每念於此良增惻然宜委御史臺及出使郎官御史等切加覺察一作察訪仍具事由聞奏澄清教化莫尚乎太學惣一作明治心術必本乎六經天下諸色人中
有能精通一經堪為師法者委國子祭酒選擇具以名奏天下州縣各委刺史縣令招延儒學明知訓誘名登科第即免征徭刑罰不清不足以言理職官不重不足以棲賢一作開出入之文東上下之手必資慎選庶叶詳平大理寺官屬比來吏部所授多非其才宜令精選有志行文一作詞學兼詳明法律者注擬其有課績特殊堪在朝獎者臺省有闕宜先選擇一夫不獲時予之辜苟有向隅之悲遂軫納溝之慮如闕去冬吏部三銓選人駁放者衆或文狀

夙昔

一作栗錯

或書判差池主司宇文不得不爾既施惠澤亦

有

一作在

霑恩其長名及雜駁放選人如有未離京城者委

吏部今月內檢勘畢除涉踰濫者餘並却收以地遠殘闕量才注擬如不情願受地遠官亦不可強之仍速處分不得出選限內比者法一作下令懸科彰示大信法既無守人何適從赦命不行因循成俗誕告四方為虛設開施廢政為虛文豈吾德之未明為有司之見負求言歎息中夜疚懷朕即位之初已有赦令至如損徹服御止絕他獻限喪葬以息淫費禁竒靡以專女工隱實版圖謹守儲備及從他徑擅賦閉糴禁錢吏行姦欺人冒依庇僧道踰濫流貶重輕錢幣利害軍屯侵占車馬衣服之制度公坐入已之

賦私悉令條疏貴欲該備頒宣未幾廢格已多或職司墮
慢而不能將明或誥命纒行而下已不守以此求理不亦
難乎其元和已來詔書并長慶四年三月三日赦令委廢
不行事在朕躬者諫官一作極言得失無有所隱其系一作
在臺閣者左右丞據詔條司額重加分配勿容推倚若因
循寢廢無所申明及雖曾宣下不能明一作提舉者具事由
聞奏量加沙汰其在有司州郡者委御史臺及分察使即
中御史一作分察使出使即官御史度支鹽鐵巡院准前後詔勅切加
訪察各具犯狀移勘奏聞其本判官及刺史已下必加賤
責用懲不恪如舉察之司循默自守事狀泄露者亦據容
庇量加殿黜仍並委中書門下重有舉明去年三月三日

赦令及今年赦文一事已上切加懲督責據時限量官吏
勤惰具科殿重輕聞奏京西京北邊上諸軍州鎮自今年
已後如有中使及即官御史奉使到所管並不得與人事
物應天下典人庄園店地一作庄田園店便合祇承戶稅本主贖
日不得更引令式云依私契徵理組織貧人虞氏建官必
明黜陟漢朝置吏皆長子孫政成簡用咸登右職近代遷
除過速資給轉繁肩為時風莫有固志親人之職為弊尤
深昨俗土宜未及週悉迎新送故已聞代換更易一作雖
遽資望如初善否不分升降莫驗一作辨徒為煩擾無益公
私自今已後刺史縣令若無所犯非滿三周年不得除替
如理行尤異但議就加其有才宜他職灼然要籍者中書

門下先具事由及授上年月奏聽進止滿歲遷代無闕敗者即與進改磐石維城義深麟趾穠華下嫁禮次椒塗縉紳文武之良才執事恪居之奉職克參裸獻載叶肅雍亞獻嘉王運終獻循王通等各賜物一百疋夾侍正衣進珪捧珪各賜五十疋亞獻終獻正衣各賜物四十疋大長公主嗣王郡主縣主各有賜物内外文武見任及致仕官三品已上賜爵一級四品已下加一階合入三品五品欠考未合叙者待考足日聽叙斯文未墜降聖克昌道逾三代之英化立百王之範象賢崇德垂裔作賓教儀斯崇憲章無改文宣王二王三恪各與一子官其祠廟委所司量加修飾克稱敦淳一作叙周述本枝睦族是先觀親斯在望五

等已上親三品以上賜爵一級五品已上加一階六品已上及前資常選散官簡選日優與處分未有出身陪位者每家放一人出身應陪位者皇儲五等以上親及太皇太后皇太后三等已上親三品已上賜爵一級四品已下加一階諸親四等及諸州賀正官并諸色陪位官等五品已上加一階六品已下及白身人並賜勲兩轉其前資及有出身者各減一選締構興王弼成昌運動藏冊府烈冠史編九原推可作之風百代凜如生之氣載懷丕績何日敢忘武德以來配饗功臣及將相名節尤著長慶四年三月三日制未霑甄叙者委中書門下條疏聞奏量加優獎故尚父汾陽王贈太師晟贈太尉秀實子孫中未曾甄獎

者每家與一人正員官元和已來有因戰伐死於王事其名跡顯著未有優贈者各委本道節度使條錄聞奏如勘覆詣實當有處分其有骸骨暴露者宜令所在埋瘞弘教愛之典一作理爰命推思念追遠之懷用頒徽贈常叅官及諸州府長官父母見存未有官封者並量與五品致仕官及階并邑號父母亡歿未經追贈者量與贈官及邑號已經追贈者更與改贈如贈官已至一品邑號已至國夫人者不在此限中書門下及節度使帶平章事者宜與一子正員七品官祖父母父母先亡歿各與追贈經追贈者更與改贈官已至一品邑號已至國夫人者不在此限節度使與一子正員八品官東都留守度支鹽鐵使觀察處置

都防禦經畧招討等使及神策金吾六軍將軍大將軍上將軍統軍威遠鎮國軍等使皇城留守各與一子正員九品官京兆尹特加一階父母先亡歿未經追贈者各與追贈職脩祀事禮奉嚴禋既洽殊恩宜加異等應郊廟升壇升殿行事官普恩之外宜更加一階如合入三品五品者任待考足日聽叙尚書省三品四品已上中書門下五品已上特加一階便蕃殿省給事郊丘顧以忠勤是宜甄獎內行事官三品已上更賜爵一級四品已下更加一階內侍省及內侍省内坊官四品已上各賜勳五轉五品已下各賜勳三轉應從駕至郊廟者普恩之外三品已上賜爵一級四品已下各加一階品官白身賜勳兩轉環

列師營服勞扞衛申威攸屬敷惠是膺神策六軍金吾威
 遠皇城及諸道將士等三品已上賜爵一級四品已下加
 一階無官者賜勳三轉在城神策六軍威遠營在右金吾
 及皇城將士應大禮移仗宿衛御棧立仗等普恩之外三
 品已上賜爵一級四品已下加一階仍準舊制賜物有差
 其神衛將士賜加一階仍準舊例賜物有差神策將士應
 在京畿諸縣者亦各有賜物應緣大禮職掌行事官并修
 撰儀注及留守副留守倉庫卿等普恩之外三品已上賜
 爵一級四品已下各加一階虔奉職貢載觀致仕官及郊
 裡俾覃錫賚之恩用廣懷來一作柔之義鴻臚禮賓院應在
 城內蕃客等各有賜物翰林待詔供奉及諸色直見任及

前資并員外試官三品已上賜爵一級四品已下各加一
 階無官者賜勳兩轉導藩服之誠承帝庭之命忠勤既著
 勳賞宜周諸道知上都進奏院官在城者各賜勳兩轉應
 緣大禮四方進表疏及賀正官各賜勳三轉敬承裡祀贊
 執豆籩列庶位以觀光酌多儀而中矩誠在儼肅一作理
 叶褒升郊廟行事齋即減二年勞室長掌座禮生替者減
 一年勞無勞可減者便放出身崇玄館行事學生及齋即
 禮生番考已滿所司緣大禮却追入行事各減一選國子
 監學生陪位者賜勳一轉中書門下儀制官各特賜一階
 應緣祗供作官直司長上諸州行綱考典兩縣耆壽諸色
 番役當上在城并量留十二月番者各賜勳兩轉飛龍閑

廡宮苑典引掌扇內園總監裁接少府將作內中尚武德
軍器內外弓箭庫等諸司諸使下白身人及無品直司定
額長上雜匠巧兒黃衣長上監門直長雜使三衛七色引
駕細引執扇角手弩手曠騎武士天文觀生曆生漏生典
鼓典鍾工人樂人主衣主膳主酪典食胡食手宰手掌閑
幕士御士醫士獸醫門僕藥僮御書手楷書手典書流外
行署等各賜勲兩轉尚年貴老所以教孝也聳義嘉節所
以貞俗也天下百姓高年者上縣以上每縣十人中縣五
人下縣三人並以縣界年最高者充數并孝子順孫義夫
節婦先經旌表行義不虧者人各賜米三石絹兩疋仍版
受上佐縣君並委令長齋粟帛就家宣賜詔具名本道一

特聞奏其未及絹仍於上供數內申破神配峻極德稱靈
長秩既升於王公禮合加於牲幣五岳四瀆宜委本州府
長吏備禮致祭當極豐絜以副如在之誠書稱望秩禮著
不封仰堯舜之聰明慕文武於方冊遐想忠貞之跡緬懷
義烈之風能禦大災咸申祀典名山大川及自古聖帝明
王忠臣烈士各令所在以禮致祭亡命山澤挾藏軍器百
日不首復罪如初赦書有所不該者所司具作條例聞奏
敢以赦前事相告言者以其罪罪之赦書日行五百里布
告天下咸使聞知主者施行 一作皆唐大詔令

羊卷第四百二十七

文苑英華卷第四百二十八

翰林制詔九

赦書九

禋祀赦書五

太和三年十一月十八日赦文

編制

門下王者祗見宗廟情極於孝思肅事郊丘義崇於嚴配
諸侯駿奔以助祭百靈盼饗而降祥感達神明詔今作祗斯為

茂範朕以冲昧獲嗣丕圖奉累聖之耿光承上天之眷命

以簡易弘宣政本以勤儉調順化源宵旰勵心思臻至道

兢業寅畏于今四年屬興伐叛之師未暇燔柴之禮賴祖

宗保佑上帝監臨氛慝澄清弓戈橐戢今因南至有事圓

丘薦誠敬於二儀申感慕於九廟群祀來享至誠必通既

陳信以告虔宜覃恩而廣澤可大赦天下自太和三年十一月十八日昧爽已前大辟罪已下罪無輕重已發覺未發覺已結正未結正繫囚見徒常赦所不原者咸赦除之唯犯惡逆已上及故殺人官典犯正入已贓不在免限左降官量移近處已經量移者更與量移如復資者五品已上中書門下速與處分六品已下即任依常調選丁憂去任服闋日亦與量移如有親故在上都任於所司陳狀便與處分不必更待本州府申請別勅因責授降資正官員未經改轉者量與進改亡官失爵放歸不齒者量加收敘縱元勅云終身不齒者亦量與收敘流人未到所在及已到者並放還唯降死徒流者並與移近地如已收敘者量

才錄用并僧尼道士移隸者亦與改還得罪人已亡歿家口未許歸者一切放歸如有情愿留者亦任諸色得罪人中如先勅云縱逢恩赦不在免限者并別勅安置者亦並委中書門下量事狀輕重節級處分左降官及流人先有官者如已亡歿各還本官流貶人及諸色得罪人所在身亡任其親故收以歸葬仍仰州縣量給棺槨優當發遣諸色人中有痕累禁錮及逃匿者一切並與洗滌常叅官及諸州刺史有先因停替及以病解免并終制未授官者委中書門下量才進擬勿令稽遲已才命士所貴任賢黷貨鬻官深為貶法縱思寬宥亦慮惠姦其有偽官出身人近已從流者與移近處未處分者減等處分未發覺者賣官買

官人竝仰赦書到後一月內於所在納官告陳首得免其罪如不陳首者已後事覺不在免罪限封畿之內供億常殷既渥恩宜加霑給其京兆府明年夏青苗錢宜放一半財貨之司姦屈皆有切資政一作理以遏偉門應度支鹽鐵戶部三司所管諸色官吏所由人戶等欠負太和元年已前諸色錢物斛斗等各委本州盡理勘實如是貿易招狀入已隱欺即準條處分如緣收貯年深盤覆欠拆水火深藝事實有憑如此之類除檢責家產及攤徵元保外如實無可納空掛簿書連年囚禁者宜各具色目聞奏河南諸鎮仍歲兵荒百姓困窮宜有蠲免其鄆曹濮淄青兗海及滄德管內齊州明年夏稅錢每貫放二百文其稅子

畝十分放二分諸道方鎮自兵興以來或緣進奉助軍或緣本道徵發務求濟辦多是權宜今寇賊既平中外無事宜申典法以救傷殘天下除二稅外不得輒有科配其擅加雜權率一切宜停仍令御史臺及出使郎官御史并所在巡院嚴加訪察自滄景用兵所在逐急須借諸州常平義倉斛斗權充軍糧宜令度支勘計速遣收糴填數聞奏邊防至重悉宜有素器械倉廩尤須精實比歲有司屢以營屯奏報納計諸鎮儲蓄合支數年尚恐主吏欺罔未加約束宜委度支與本道節度及營田使仔細勘會自營田已來所貯糧見在倉者多少支得幾年軍糧具實聞奏又緣邊諸鎮兵額虛實器械色目亦仰聞奏如涉虛謬本判

官必加懲責有欠闕當議添置務令撫實無掛空文纂組
文采貴貨勞人奇技淫巧蕩心喪志將欲導其儉朴必在
抑其華飾率化天下先自朕躬應緣乘輿服御宮禁詔令
廟供湏一事已上當從儉約自今已後四方竝不得輒以
新樣難得非常之物爲獻其機杼織作有織麗尤甚若花
絲布繚綾之類及幅尺廣狹不中常度者竝宜禁斷仍仰
天下州府勅到後一月日內所有此色機杼一切焚棄訖
聞奏并委觀察判官嚴加檢察犯者以故違勅論縣令政
切親人純曹職當舉轄命於選部非不擇才比者令常叅
官得各舉縣令所舉不當雖有明文法旣因循遂開僥濫
自今後宜令諸州刺史及本道觀察使各舉管內堪任縣

令錄事叅軍者仍湏資考相近并據闕申奏所舉官如才
職不稱刺史書下考如至贓犯闕刺史停見任觀察使據
事輕重臨時處分如政事修舉課第殊尤亦當明賞以觀
能者立法之意使人不移苟移用之有名在公費而何害
天下州府兩稅占留錢每年支用各有定額其廻錢羨餘
準前後赦文許充諸色公用長慶四年二月三日制亦具
言緣無分明條件可使執守刺史每被舉按即以坐贓論
湏爲立程俾無甚弊其州府應合公用羨餘物并因循舊
例與格令不同者竝令尚書省御史臺明立條件散下州
府使知所守未可遵行緇黃之衆蠶食生人規避王徭凋
耗物力應諸州府度僧尼道士及創造寺觀累有禁令尚

或因循自今已後非別勅處分妄有奏請者委憲司彈奏
量加貶責其百姓中有苟避徭役冒爲僧道所在長吏量
爲科禁古者理戎皆舉成法將卒有制簡閱有時所以籍
無虛名軍無冗食至於符守各奉詔條諸道先發轄屬支
郡將士如聞衣糧解補猶繫使司詳其事理頗非簡便宜
委本使差官檢元轄名額及賜糧等第文案與刺史勘會
除續準詔勅抽停外據所合給錢米並以當州合送使錢
米依虛實糙熟分數拆計割入留州錢數勘會訖州使各
具分數聞奏應闕解補支給并委本州其使司更不緣得
收管諸道諸州所置將吏如非原額周事之外各隨閒劇
務從簡省方鎮刺史在京除官所湏收補隨從人數有司

即爲節限他時替罷仍令隨使停解其方鎮交代之時及

知留後官不得輒有一作補置如違委巡院官具事目申

臺司錄奏其違犯官重加科貶所補人并本職停解刺史

職在分憂得以專達事有違法觀察使寧不糾繩四字詔

後舉奏項年赦如聞遠地多未遵守州司常務巨細取裁

至使官吏移攝將士解補占留支用刑獄斷結動湏稟奉

不得自專雖有政能無所施設選置長吏將何責成宜委

御史臺及出使郎官御史嚴加察訪觀察奏聽進止本判

官不能匡正及刺史不守朝章竝量加貶降若所管州郡

控接蕃夷軍戎之間事資節制湏得使司共爲條理即不

在此限邦畿之內物役殷繁事苟不均人何以濟如聞近

年以來京城坊市及畿甸百姓等多屬諸軍諸使諸司占
補之時都無旨勅差科之際頃異編氓或一丁有名則一
戶令詔令免往年制勅無復遵行宜委本軍本使及京兆
府各切詔令切加作提舉準元和二年八月京兆府所奏勅及
長慶元年制度節文處分自先朝以來累有敕令防姦除
弊條目甚詳至如閉糶禁錢橫徵暴賦兩稅物估之虛實
四方進獻之豐省再三處分非不丁寧出令不行名實自
爽從元和二年已後所有勅令宜委中書門下及內外百
司按事施行勿踵前弊仍令御史臺嚴加糾察諸色出身
三衛最濫假冒官蔭妄用優勞補既過多簡亦失實既叅
選序命此理人積歲倖門誠宜杜塞其三衛三二年且不

得

一作

補待簡先補人數盡無如更要補委有司條疏嚴

為限制每所補注挾名替闕如便可停廢亦詣實奏聞禮
著從人詩稱下嫁義當選尚俾各有行其六宅十宅諸王
女縣主每令每年於選人中擇其情願者配尚授官之日
量加優賞罷秩之後仍減兩選其初婚者便有賜與使備
行禮如非士類不在選限其該載未盡處委中書門下別
條疏聞奏量能授用允屬於群材舉善推賢是先乎公族
經學可以弘教本高尚可以觀時風宗子中有才行著明
文學優異者委宗正寺具名聞薦比類加獎諸色人中有
精究經術洞該今古求志不期聞達委所在長吏具以名
聞國家與吐蕃甥舅之好彼此無虞自今已後邊上不得

納投降人并擒捉生口締構興運翼贊昌期勲鏤鼎彝名
光簡冊載懷夙烈何日忘之武德已來配享功臣及將相
名跡尤著節義顯聞而子孫陵替官闕廢墜未經甄錄者
委中書門下搜訪一作嗣特一作量非加優異故尚父汾陽
王贈太師晟贈太尉秀實子孫中未經甄獎者每家與一
人正員官盤石之親義資敦叙穰華之慶道備肅雍文武
庶僚中外執事或敬恭厥位或祗奉嚴禋爰考舊章用申
慶澤亞獻循王適終獻恭王通等各賜物一百疋夾侍正
衣進珪捧珪各賜物五十疋亞獻終獻正衣各賜物四十
疋大長公主長公主嗣王郡主縣主各賜物有差內外文
武見任及致任官三品已上賜爵一級四品已下加一階

合入三品五品欠考未合敘者待考足日聽敘素王設教
崇儒配於斯文虞賓在庭想遺風於先烈微言不墮令德
攸彰文宣王之後及二王三恪各與一子官其祠廟委所
在量加修飾禮重睦親化先合族慈訓克承於椒掖寵光
宜首於觀津太皇太后皇太后二等已上親皇后三等已
上親委中書門下各擇有才行者量與改官無官者各與
出身皇五等已上親三品已上賜爵一級五品已上加一
階六品已下及前資常選散官簡選日優與處分未有出
身陪位者每家放一人出身應陪位皇五等已上親及太
皇太后皇太后三等已上親三品已上賜爵一級四品已
上加一階諸親四等伍等并諸色陪位官五品已上加一

階六品已下及白身人並賜勳兩轉其前資及有出身者各減一選推恩之令所以申孝愛褒贈之典所以極哀華爰加寵章用舉徽數常叅官及諸道州府長官父母見存有官封者並量與五品致仕官及階并邑號如已有者量與進改如官已至五品已上者即與五品階父母亡歿未經追贈者量與贈官及邑號輔弼之臣鈞衡是屬既當大慶爰錫殊恩中書門下及節度使帶平章事者宜特加一階如本階已至正三品已上者與一子正員八品官祖父母先士歿各與追贈已追贈者更與改贈節度使與一子正員九品官東都留守度支鹽鐵使觀察處置都團練都防禦經畧招討使及神策金吾六軍將軍上軍統軍威遠

鎮國軍等使皇城留守各與一子出身父母先亡歿未經追贈者各與追贈禮儀使大禮使京兆尹各與一子正官九品官大祀有嚴殿薦尤重凡在厥職宜特加恩應郊廟升殿行事官普恩之外宜更加一階如合入三品者量減三考入五品者量減兩考仍待考足日聽敘其合選人與減一選禮奉郊禋任親殿省忠勞旣竭甄錄宜優內行事官三品已上更賜爵一級四品已下更加一級內侍省及內坊官四品已上各賜勳五轉五品已下各賜勳三轉應從駕至郊廟者普恩之外三品已上賜爵一級四品已下各加一級白身賜勳兩轉陳列威容肅清警衛載加寵錫用示恩私神策六軍威遠營左右金吾及皇城將士應緣

大禮仗宿衛御樓立柱等普恩之外三品已上賜爵一級四品已下加一階仍依舊例賜物有差其神策將士應在京畿諸縣者亦各有賜物應緣大禮職掌行事官併修撰儀注及留守副留守倉庫卿等普恩之外三品已上賜爵一級四品已下各加一階要荒地遠職貢方來旣覩郊禮之盛儀湏覃慶賜之殊澤鴻臚禮賓院應在城內蕃客等各有賜物諸道知上都進奏院在城各賜勳三轉應緣大禮四方進奏疏及賀官各賜勳三轉藝術所資優假宜及况因大賚當給新恩翰林待詔供奉奏并諸色直見任及前資并員外試官三品已上賜爵一級四品已下各加一階無官者賜勳兩轉姜執且邁克恭薦饗或贊引叶於義矩

或祗飾奉其事功心畢幹勤理當褒獎郊廟行事齋郎城二年勞室長掌座禮生替者減一年勞而勞可減者便放出身崇玄館行事學生及齋郎禮生番考已滿所司緣大禮却追入行事各減一選國子監學生陪位者賜勳一轉中書門下儀制官各加一階應緣祗供作官直司長上諸州行綱考典兩縣耆壽諸色番役當上在城并量留十月番者各賜勳兩轉飛龍閑廐宮苑典引掌扇內園總監栽接少府將作內作中尚武德軍器內外弓箭庫等諸司諸使下白身人及無品直司定額長生雜匠巧兒黃衣長上監門直長雜仗三衛七色引駕細行執扇角手弩手曠騎武士天文觀生曆生漏生典鼓典鍾工人樂人主衣主膳

主酪典食胡食手宰手掌閑幕士御士醫士獸醫門僕藥
僮御書手楷書手典書流外行署等各賜勳兩轉夫務仁
壽莫若敬耆老厚風俗莫若勸名節天下百姓婦人年九
十已上各賜米五石絹兩疋綿一屯羊酒有差版授下州
刺史郡君八十已上各賜米叁石絹兩疋版授上佐縣君
孝子順孫義夫節婦旌表門閭終身勿事先已旌表者量
加優恤竝委令長賚米帛就家宣賜訖具名申本道一時
聞奏極天而峻旣多鎮定之功赴海不窮且有朝宗之義
五岳四瀆宜令本州刺史備禮致祭大報之後咸秩當行
常祀雖定於歲時徧祭因宜乎柴燎載慕前王之令德復
想古人之義風名山大川自古聖帝明王忠臣烈士各人
所在以禮致祭亡命山澤挾藏軍器百日不首復罪如初
赦書有所不該者所司具作條例聞奏敢以赦前事相告
言者以其罪罪之赦書日行五百里布告天下咸使聞知
主者施行

文苑英華第四百二十九

翰林制詔十

赦書十

禋祀赦書六

會昌五年正月三日南郊赦文

編制

門下王者事帝必嚴禋祀之容臣下歸功爰極推崇之義
 既膺顯號式展盛儀因時布和順歲更始前聖垂範逮予
 是遵矧以眇身幸逢昌運雖履冰惟懼而涉道未週繫我
 輔臣洎茲列岳內盡交修之志外分共理之憂乃者虜衆
 乖離部族欵附收帝子於氍裘之所致名王爲冠帶之臣
 堅昆來朝不遠萬里夷貊嚮化克同九州重以上黨狂童
 竊襲叛跡問罪之師既集元兇之首遂梟廓清亂風洗滌

汙俗剪逆豎而故都底定竄摩尼而壞法未除由是退惡
進賢化行令舉刑姦賊之吏破黷貨之家此皆宗社降靈
助成時政豈朕涼德獨擅厥功而中外誠臣文武多士累
陳懇疏再舉鴻名辭不獲從被此虛美是用虔告清廟明
禋上玄煙燎所升靈貺如答既畢郊禮重申國經宜因行
慶之辰誕布惟新之令同我景福永孚于休可大赦天下
自會昌五年正月三日昧爽已前大辟罪已下罪無輕重
已發覺未發覺已結正未結正繫囚見徒常赦所不原者
咸赦除之唯犯十惡反逆已上及故殺人官典犯入已贓
持仗行劫縱不殺人並不免限左降官量移近處已經量
移者更與量移如已在近處未復資者有司別條聞奏如

復資者五品已上中書門下速與處分六品已下依常調
選丁憂去任服闋日亦與量移如有親故在上都任於所
司陳狀便與處分不必更待本州府申請從九月二十九
日降郊禮勅後流貶人不在此例兼比來與劉稹楊弁同
謀惡逆配流及伏法身死有父兄子弟及諸親族等配流
者並不在放還及量移之限別勅因責授降資正員官未
經轉者量與進改亡官失爵放歸不齒者量加收叙縱元
勅云終身不齒者亦量與收叙流人未到所在及已到者
並放還唯降死從流者與移近地如收叙者量才錄用并
僧尼道士移隸者亦放還其情狀難容者不在量移及放
還之限得罪人已亡歿家口未許歸者一切放歸如自情

碩住者亦任諸色得罪人中如先有勅云縱逢恩赦不在
免限者并別勅安置者亦委中書門下量事狀重輕節級
處分左降官及流人先有官者如已亡歿各還本官流貶
及諸色等罪人所有在任身亡任其親故收以歸葬仍仰
州縣量給棺槨優當發遣近年將相及任使文臣如因事
貶降身已淪沒情理屈者並量與追贈諸色人中有痕累
禁錮及逃匿者一切並與洗滌應昭義逆黨親族除已處
置外其他素不同謀者並一切不問常叅官及諸色刺史
先因停替及以病解克終制未授官者委中書門下量力
進擬勿令稽遲國家與吐蕃舅甥之好彼此無虞自今後
邊上不得受納投降人並擒捉生口功蓋本朝賞延後嗣

是加恩禮用勸臣心故尚父汾陽王贈太師晟贈太尉秀
實贈司徒顏杲卿贈太師顏真卿許遠張巡南霽雲子孫
中未經甄獎者每家與一人出身耕桑豐約上應征租泉
貨重輕宜均物力丁徭若絕其影占組織又去其織竒則
農桑無荒女工斯勸京畿百姓應兩稅及青苗地頭納見
錢等充給府縣官吏及諸色支用今天下諸州所納兩稅
皆據分數納見錢除納省估疋段給用之日錢貨並行其
京畿應納諸色錢等許納諸州及本土上色絹每疋與折
八百文充官吏料錢及諸色給用京畿今年夏稅麥數內
每斛放五勝京兆府諸縣應欠開成五年終已前青苗權
酒秋夏品送府倉正稅地租百官職田資百姓種糧戶部

和糴變

一作麥

色粟驛蓄科稈草麩麩並放免畿內條稅百

姓准元和二年八月二十五日勅會昌元年正月九日赦節文計戶內丁數多少充諸司盡稱弟子致令鄉縣所由無人差役各委諸軍諸使司準前後勅文收補仍具姓名奏聞勅下京兆府重磨勘如有人戶違越妄托屬諸軍諸使不準勅文影占收補者並準前後勅文處分諸使諸軍諸司人在鄉村及坊市店舍經紀準前後赦文收與百姓一例差科不得委有影占應屬官庄宅使詩人戶在店內及店門外經紀求利承前不復隨百姓例差科者從今後並與諸軍諸使一例準百姓例供應差科畿內諸縣百姓社佃百官職田地訪聞其中有承虛名配佃多時縣司但

據額徵收租子或無本地及被形勢庄園將瘠薄田地迴換令人戶虛頭納子歲月既久無因申明各委縣令子細磨勘別立簿書具明段匹至申報仍委當司審勘會分析奏聞畿內諸縣鄉村及城內坊市人戶不是正額食糧官健及非工巧之徒假以他名諸司諸使影占納課其數至多各本司釐革凡是納課人戶並傳解送歸本縣收入色役京畿內近日足陌用錢唯益富室足帛苦賤反害疲人宜却令依前行墊陌錢每墊八十文其公私交關五貫已上令一半折用足帛武功既暢經術是修宜聞儒風以弘教化應公卿百寮子弟及京畿內士人寄客修明經進士業者並隸名太學每一季一度據名籍分番於國子監試

帖三度帖經全通者即是經藝已熟向後更不用帖試如
三度全不通及三度託事故不就試者便落下名籍至貢
舉時不在送省之限其外寄居及土著人修進士明經業
者並隸名所在官學仍委長吏於見任官及本土着學行
人中選一人充試官亦委每季一試餘並準前處分如無
經藝雖有文章不在送省之限所冀人皆嚮道學務通經
職局官常各宜歸正詳刑決獄豈可容姦在京諸司典吏
考滿合赴選者官成後皆作計勾留不肯赴任今日已後
官成後便勒赴任本司不至各令本司釐正不得奏請勾
留如一年選不成者且勒依舊執行文案至二年選不成
者勒停守選諸州府有遺攝官及職掌人推案刑獄比及

刑部詳斷其間或節目不盡或與奪用情將有勘尋便稱
停罷向後諸州府推事並須差見任官仍在兩考內者其
刑部大理法直並以明法出身人充據律已去任者公罪
流已下勿論公罪之條情有輕重苟涉欺詐豈得勿論向
後公罪有情狀難恕者並不在勿論之限上柱國前代烈
勲謂之八柱品居第一宜峻寵章向後非特恩不在累叙
之限近日諸道奏官其數至廣非惟有侵選部實亦頗啓
倖門向後淮南兩浙宣鄂洪潭荆襄等道並不得更有奏
請其三川邊鎮河南北地遠官無選人肯去闕員稍多處
即任量要切奏請仍每道一歲不得過七員應諸道軍將
昨緣酌獎戰功多授正秩今日已後非因戰功不得請正

官其已有正官者或因停替亦須待三五年後方得奏請
比來山劍湖嶺間刺史多居周行散位日久而選縣佐率
是諸曹胥徒年滿則授生人舒慘屬在此流朝廷典章罕
能具舉自今已後每除湖嶺山劍南間刺史取其流品稍
高兼曾歷三四任已上州官者如有政績委本道觀察使
具以名聞其遠處縣邑多是中下縣其縣丞簿尉等例是
入流令史苟求自利豈知官業其中下縣丞中縣簿等自
今已後有衣冠士流經業出身經五選如願授者每年便
許吏部投牒依當選人例下文書磨勘注擬如到任清白
并能刺史申本道觀察使每年至終使司都爲一狀申中
門下得替已後許使上縣簿尉選數赴選與第二任好

官三衙官中名本於宿衛當番就役其事甚微疑每年兵
部選時號爲文簡合選之數全淺於明經齋卽注擬之時
爭先於諸親宗子其於踰濫莫甚於斯入仕之門此徒最
弊自今已後但令武簡其文簡並傳宗子每因恩澤皆賜
出身自幼授官多不求學未詳典法頗有憊遠委宗正寺
收補明經每年許叅三十人出身同兩願例與補各搜圖
籍精驗源流明爲保舉不得容有踰濫仍一季一度試帖
經餘並進士明經條例處分京師佛刹相望其數已多既
臨康莊足壯都邑近緣疎理僧尼訪聞大寺房院半已空
閑其坊仄小寺或產業素貧或殿宇摧毀僧數既少不足
住持併合同居事從簡當委功德使條疏各具去着名額

奏聞其所折寺僧尼如行迹非違不守佛之禁戒者亦宜
揀選勒令還俗仍依前勅處分兼具數聞奏其餘僧尼即
令移入側近大寺有房院居住又京城諸市亦不盡有產
業就中即有富寺今既踈理僧尼兼停脩造所入厚利恐
皆在破委功德使檢責富寺邸店多處除計料供常住外
贖者便勤貨賣不得廣占求利侵奪疲人所去不均之患
冀合哀多之義又諸州府所申還俗僧尼已有定額若無
私度者當減耗諸道每至年終各具見在僧尼數申省其
續有死亡及犯事還俗并分拆申報本司磨勘奏聞如聞
兩浙宣鄂潭洪福三川等道緣地稍僻姑務寬容僧尼之
中尚多踰濫委長吏更加揀其有年少無戒行者雖先在

條內亦須沙汰古者受祿之家食祿而已不與人爭業然
後利可均布人可家足如聞朝列衣冠或代承華胄或在
清途私置質庫樓店與人爭利今日已後並禁斷仍委御
史臺察訪聞奏如聞兩川稅租盡納見錢蓋緣人多伎巧
物皆織麗凡所織作不任軍資所以人轉困窮俗增侈靡
然以風土所習頓革稍難委刺史與縣令商量勸課有機
杼之家依果閬州且織重絹仍與作三等估上估一貫一
百下估九百待此法行後每年兩稅一半與折納重絹即
異人稍蘇息軍用不虧或因官遊遂輕土着戶籍既減征
徭難均江淮客戶及逃移規避戶稅等人比來雖係兩稅
並無差役或本州百姓子弟纔霑一官及官滿後移住隣

州兼於諸軍諸使假職便稱衣冠戶廣置資產輸稅全輕
便免諸色差役其本鄉家業漸自典賣以破戶籍所以正
稅百姓日減州縣色役漸少從今已後江淮百姓非前進
士及登科有名聞者縱因官罷職居別州寄住亦不稱爲
衣冠其差科色役並同當處百姓流例處分除盜懲姦在
去其枝葉校功責課必削其根本如聞江淮諸道私鹽賊
盜多結群黨兼持兵仗劫盜及販賣私鹽因緣便爲大劫
江賊有仗者雖未殺人不在該恩之限又逃還復業戶雖
先有格令近來多因刺史縣令務虛名者招携逃戶侵奪
已成產業轉令居者不安姦人得計苟求非時考課虛申
招復逃亡及至定稅徵科依前逃散稅錢緣已申省使節

須攤配疲人從今已後應諸州縣逃戶經二百日不歸復
者其桑產居業便招收承佃戶輸納其逃戶縱歸復者不
在論理之限其有稱未逃之特典貼錢數未當本價者便
於所典買人戶下據戶加稅亦不在劫收索及徵錢之限
義重維城慶流多葉叙睦之道寵渥惟宜中外群寮文武
多士或郊裡奉職或局署業官各洽恩波以類申典亞獻
撫王統等各賜物一百疋夾侍正衣進珪捧珪各賜物五
十疋亞獻終獻正衣各賜物四十疋大長公主公主嗣王
郡主縣主各有賜物内外文武見任及致仕官三品已上
賜爵一級四品已下加一階合入三品五品欠考未合叙
者待考足日聽叙孔氏行教折中於百王虞賓展敬不廢

於千古敢忘咨稟爰用褒明文宣王之後及二王三恪與一子出身各賜物五十疋其祠廟委所司量加脩飾堯稱睦族漢貴推恩在明廣敬之義式長奉親之孝太皇太后二等已上親王三等已上親委中書門下各擇有才行者量與改官如無堪獎用者即不必與改皇五等已下親及三品已上賜爵一級五品已上加一階六品已下及前資常選散官簡選日優與處分應陪位皇五等已上親及太皇太后皇太后三等已上親三品已上賜爵一級四品已下加一階親四等五等并諸色陪位官五品已上加一階六品已上及白身並賜勳兩轉其前資及有出身各減一選前聖立言教人以孝慶覃存沒禮洽闔門俾奉高堂之

榮用霑漏泉之澤常叅官及諸州府長官父母見存未有官封者並量與三品致仕官及階并邑號如已有官封者並量與進改如官已至五品已上者即與五品階父母已歿未經追贈者量與贈官及邑號公台輔弼柱石列藩俾弘追飾之恩仍昭賞延之典加於存歿用洽寵章中書門下及節度使帶平章事者宜與一子正員八品官祖父母先亡歿各與追贈已經贈者更與改贈破廻鶻及攻討昭義立功節度使不帶平章事者及劉沔李思忠各與一子正員九品官節度使東都留守度支鹽鐵觀察處置諸防禦經畧昭討使及神策金吾六軍將大將軍威遠鎮國等使皇城留守各與一子出身父母先亡歿未經追贈者各

與追贈禮儀使京兆尹各與一子出身寅奉典冊肅恭明
禮或勤贊相之義或專扈從之禮時當慶澤豈恡恩華應
郊廟升壇升殿行事官普恩之外中書門下尚書省御史
臺三品已上特加一階四品已上各賜一階如合入三品
者量減三考入五品者量減二考仍待足考日聽叙其合
選人與減一選內行事官三品已上更賜爵一級四品已
上更加一階內侍省及內坊官四品已上各賜勳五轉應
從駕至郊廟者普恩之外三品已上賜爵一級四品已上
各加一階白身賜勳兩轉攝侍中讀寶官攝中書令讀冊
官各賜一子出身選冊文官賜一子正員官奉冊奉寶綬
官書玉冊官書寶官各加二階進寶綬進冊進中嚴外辨

禮儀贊導押冊押寶綬舉昇寶冊官各加一階合選人減
一選其餘應職掌行事官及寫制書官太常修撰儀注禮
官并內行事官三品已上賜爵一級四品已下加一階仍
並賜勳一轉鑄造玉冊并填金字造裝玉冊官各賜物五
十段禁營軍師信宿警衛宜頒慶資以獎勳勞神策六軍
威遠營左右金吾及皇城將士應緣大禮儀仗宿衛御樓
立仗等普恩之外三品已上賜爵一級四品已下加一階
仍準賜物舊例有差其神策將士應在京畿諸縣者亦各
有賜應緣大禮職掌行事官并修撰儀注及留守副留守
守倉庫卿等普恩之外三品已上賜爵一級四品已下各
加一階梯航奔走慕化在庭藩岳奏陳不虧奉職勤勞禁

署已積歲時鴻臚禮賓院應在城內蕃客等各有賜物諸道知上都進奏院官在城者各賜勳三轉應祿大禮四方進表疏文賀正官各賜勳三轉翰林待詔供奉并諸色直見任及前資并員外試官三品已上賜爵一級四品已下各加一階無官者賜勳兩轉祠薦展儀掌贊供事恪勤無怠甄獎宜申郊廟行事齋郎減兩年勞至室長掌座禮生贊者便放出身崇玄館行事學生及齋郎禮生番考已滿所司祿大禮却遣入行事各減一選國子監學生陪位者賜勳一轉中書門下專知儀制官各特加一階應祿祇供作官直司長上諸州行綱考典兩縣耆壽諸色番役當上在城并量留十二月番者各賜勳兩轉飛龍閑廐宮苑

引掌扇內園惣監裁接少府將作內中尚武德軍器內外弓箭庫等諸司諸使下白身及無品直司定額長上雜匠巧兒黃衣長上監門直長雜伎三衛七色引駕細行執扇手角手弩手獮騎武士天文觀生漏生典鼓典鍾工人樂人主衣主膳主酪典食胡食手宰手掌閑幕士御士醫士獸醫門僕藥僮御書手楷書手典書外行署等各賜勳一轉耆老加惠著在前經節義所褒用明古道天下百姓年九十已上委所在長吏以留州物量加存恤孝子順孫義夫節婦旌表門閭終身勿事先已旌表者亦量加優恤公卿視秩靈瑞降祥生植所資導利庶物五嶽四瀆宜委本州府長吏備禮獻祭助宣和氣福我黎人將達精誠在嚴

祀事名山大川及自古聖帝明王忠臣烈士各令所在以禮致祭亡命山澤挾藏軍器百日不首復罪如初赦書有所不該者所司具條例聞奏敢以赦前事相言告者以其罪罪之赦書日行五百里布告天下咸使聞知主者施行

文苑英華卷第四百二十九

文苑英華卷第四百二十九

翰林制詔十一

赦書十一

禋祀赦書七

大中元年正月十七日赦文

編制

門下執大象者導陰陽之和帝率土者茂生植之化粵自軒昊暨于唐虞側身皇階虛已大位詔令作寶懸金鑑詔令作握金鏡之朗耀致玉燭之融明惠中國以綏四方欽上玄而育兆庶所謂至德勞深企懷朕荷先聖之眷求詔令作命奉祖宗之成憲獲撫萬國統和三靈兢嚴丕構惕勵神器賓賴昊穹嘉饗一作嚮神祇降休蠻夷戎狄之聿來鳥獸草木之咸若實真宰潛運玄功啓光麥禾豐登兵革偃息物不疵癘人

無天亡

一作昏

發揚氤氲敷佑寡昧夙夜祗戴訃謀經紀尚

懼德教之未宣黎元之未泰貪

詔令作暴

靈之害政朋邪之敗

風永念困窮思臻富庶每興赤子之歎不知黃屋之尊爰
因首正克舉彝典告受命之慕緒展嚴配之盛儀柴燎升
聞馨香殷荐羣祀昭答百神來享精誠既遠感慶良深是
用肆青恤刑改元建號利時者不廢便人者必行俾覃在
宥之恩以順發生之氣與之更始咸使維新可大赦天下
改會昌七年爲大中元年自大中元年正月十七日昧爽
已前大辟罪已下罪無輕重已發覺未發覺已結正未結
正繫囚見徒常赦所不原者咸赦除之唯犯十惡五逆已
上及故殺人並不在免限官典犯入已贓兼情涉巨竊及

持仗行劫縱不殺人並不在免限左降官量移近處已經
量移者更與量移如已至刺史者準刺史月限例處分諸
色官未復資者有司條疏聞奏如復資者五品已上中書
門下速與處分六品已上依常調選丁憂去任服闋日亦
與量移如有親故在上都任所司陳狀便與處分不必更
待本州府申請從九月二十二日降郊禮勅後流貶及引
次妄稱寬人等并重推覆囚徒並不在此例別用勅青授
降資正員官及曾因痕累停免未經引用者並與進改流
人及降死從流者與移近地如有收叙者量才錄用并僧
尼道士移隸者亦與放還其情狀難容者更不在量移及
放還之限流貶人如已亡歿家口欲還及須歸塋者聽隨

所便如緣塋事幼弱饑窮不能自濟者委所在長吏量給棺槨優恤發遣左降官流人先有官者如已亡歿各還本官亡官失爵痕累禁錮者並從洗滌諸色流貶人元勅內云雖逢恩赦不在量移限者自去年五月五日赦文後已經量移者五千里外更與量移千里三千里外者更與量移五百里情狀難容者不在此限常叅官及諸色刺史先停替及以病解免并終制未授官者委中書門下量才進擬勿令稽滯國家與吐蕃舅甥之好彼此無虞自今後邊上不得授納投降人并擒捉生口誓著山河勲銘鼎彝恩延後裔義在勸人故尚父汾陽王贈太師晟太尉秀實司徒顏杲卿贈太師顏真卿許遠張巡南霽雲子孫中未經

甄獎者每家與一人正員官元和以來河朔節制以土地朝者各與其家一子正員官迴鶻殘寇尚慮窺邊諸道防秋固是常例如有別有徵發又未放還念其辛勤須議存恤應緣迴鶻別徵集防戍人等宜令中書門下節級量事賜物仍即具數聞奏款洽頗甚已議賑恤免免流亡自今已後所在時雨稍憊有傷農畝即仰長吏當時聞奏如步隱蔽必節級處分古者即官出爲邑宰公卿外領郡符所以重親人之官急爲政之才

舊唐書作本

自澆風興扇此道稍

消頹頑清途便至顯貴理人之術未嘗經心欲使救百姓之艱危通天下之利病不可得也朕爲政之始思厚時

唐書

儒風軒墀近臣蓋備顧問如不周疾苦何以膺朕訪

唐書作春

求自今已後諫議大夫給事中中書舍人未曾任刺史縣
令及縱曾任有敗累者並不在進擬限守宰親人職當撫
字三載考績著任極言貞元元和頻有詔縣令五考方得
改移近者因循都不遵守雖諸州縣令或得三考兩府畿
內亦罕及二年以此字人望其成化唐書作若轉書案牘
寧免姦欺道路有迎送之勞鄉里無蘇息之望自今已後
刺史縣令除授後一例須滿三十六個月方得替換其責
授遷擢即不在此限其受替後量其在任課效作三等聞
奏其在第一等委中書門下及吏曹優與處分第二等依
資改轉第三等量加降黜其受替後委刺史錄事參軍比
驗等第申觀察使與觀察判官勘驗詣實申奏後因事者

曩有不如所奏觀察判官刺史錄事參軍據人節級懲罰
觀察使奏聽進旨其刺史委觀察使判官具考課聞奏雖
去任已久但因事發露合懲合獎並準元勅處分其合拔
擢貶黜者則不拘此限長吏舉荐縣令錄事參軍雖有近
勅如涉請托是啓倖門其諸州府縣令錄事參軍吏部所
注之官雖與替亦須具所替人罪犯及不勝任事狀聞奏
所舉之人須前任曾有殊考不然課績尤異分明有據者
方得論請此外中書門下不得與進擬河東振武易定京
西北等道官吏科錢過聞寡薄省司注擬罔不固辭承乏
之由其新收闕官料錢戶部不收用管便令本府少尹與
司錄參軍勾當并舊給課料數額添給見錢在官無少尹

即仰觀察判官與錄事參軍同勾當使司輒不敢妄有借貸支用如違本州官量加貶責長吏別議處分仍委所在鹽鐵度支院判官叅訪中書門下如違院官準本州官例處分諸色入仕近者轉多內外官員無不填塞蓋因州府論請多用虛銜軍師奏功或未撫實自今已後無正官及無出身者並不在奏州府縣官限縱有出身亦須去避稍近方得奏請諸軍將非有殊功者不在奏無州縣官限素非吏部注擬之處即不在此限仍委中書門下準此處分京畿之內荆南數州或頻歲辛勤或遭罹歉沴須免租賦以慰疲人京兆府今年夏青苗錢及元和十五年已後至會昌三年終已前應有諸縣欠日掌閑並宜放免荆南

內應遭旱損農戶赦書下後新年夏隨地稅錢宜並放免塞上置兵本防戎虜苦寒之地尤要撫綏如聞軍中小有所須舊例不無科率或有逋欠必載簿書給衣散糧之時尅拆畧盡求言此弊積有歲年爰因慶澤須使蠲改自今已後邊上兵士除本分差役外輒不得妄有科配春冬給衣及每月糧米並須當時分付如依前尅拆本判官本將並重加貶責長吏別議處分仍從前應有此色欠負不問多少更不得科校徵索所在鹽鐵度支院切加訪察申中書門下如違院官與判官同議貶責權酷之利諸道權宜如聞所設科條過有嚴酷一分抵罪連坐數家或没人資財或身處極法里閭之內遂至無聊豈有疲人堪此陷窞

宜令中書門下商量停罷續作條疏聞奏州府折寺瓦木
堆積多時風雨所侵朽蠹將盡所在出賣雖有勅文百姓
畏懼嚴刑莫敢投狀巡檢防護豈免勞人自今已後百姓
要買者任二年續徵納價錢州縣輒不得暴有較料私茶
鹽雖要止絕法或連坐則害平人自今已後但科犯茶鹽
要人罪其買茶糴鹽及經過食宿之處並不要勘問差役
不時妨農爲甚古者用人之力歲不過三日蓋爲此也如
聞所在修築動踰數月事非甚切所妨即多自今已後所
在州縣如要脩理者任和催諸色人役使仍須據時價給
錢方今就使農戶輒不得追擾過忙時五月六月九月
事非切時屋宇城壘不在修築限如違官吏並節級貶責

仍令御史臺及所在度支鹽鐵院檢舉申中書門下知涉
隱蔽本御史及本院官並準前勅君以人爲國人以食爲
天有國有家捨此無急如聞州府之內皆有閑空田長蒿
萊無人墾闢與其虛棄曷若濟人宜令所在長吏設法召
募貧人課勵耕種所收苗子以備水旱及當勸軍糧其初
建置或鎮小力微不辨營備任量常平義倉粟充糧食種
子及耕農仍具各任本道自詳軍便條疏處分訖申奏每
年所收營田苗子除給耕種人牛量事填補所借常平義
倉收物所糞野無荒田灾有儲備觀察使刺史起營田貳
年已後據見穀爲殿最泉重貨輕當今最甚昨庶捐瘠莫
不由斯輸納租征湏從利便應天下百姓所出土貨幸是

官中每年收市之物即所在州府具色目先下文帖指揮
令據官中收市價輸納不得一一徵納見錢切不得令所
由妄納耗剩如違本判官錄事叅軍重加貶責鹽鐵度支
院官不加檢舉亦準此處分諸道藩方牙門將校不獨資
以武畧亦在按其幹能近門下商量停罷續作條疏聞奏
近年隨使人多冗食要職傾奪占位勲舊無依慮不均平
例有停解如聞或有自遠招收或因其投募人材武藝要
籍轅門或因類能擢颺右職軍中已著勞績選衆又合甄
昇一例勒停實垂至當其應隨使軍將及驍勇官健等有
超軼輩流者並許待使到後選驗颺分設法施禁固在長
人訪姦去邪尤繫胥吏若紀綱不漏上下相同雖損益懸

殊功利百倍度支戶部鹽鐵三司吏人皆主錢穀去晉之
際切在類能若一槩即以年勞衆職從何條舉必資獎誘
明示勸懲其中如有才用智識昭然獨見自期展効建立
事功或剔抉疵瑕或糾正案牘發明已往之咎條理將來
之規宜委本司便與奏論特有遷授仍與勾當依前本司
驅使如守職多年無事可稱但循默自容者一例準舊年
限勒赴選不得妄許一作事故畱在本司其案牘中或有
過犯並不用追理貴許自新以示弘貸磐石維城本枝祚
慶親賢之義寵渥宜申文武庶官中外執事皆肅恭職任
祗奉郊禋禋合推恩同沾霈澤亞獻福王綰終獻撫王統
等各賜物百疋夾侍正衣進珪捧珪各賜物五十疋亞獻

正衣各賜物四十疋內外文武見任及致仕官三品已上
 賜爵一級四品已下加一階合入三品及五品欠考未叙
 者考足日聽叙魯聖儒風虞賓前典必須展敬父叶國章
 文宣王之後及二王三恪各與一子官其祠廟委所司量
 加修飾孝惟資愛禮著事親屬當布澤之辰用覃睦族之
 慶太皇太后二等已上親皇三等已上親委中書門下合
 擇有才行者量與改官無官者與出身皇五等已上親三
 品已上賜爵一級五品已上加一階六品以下及前資常
 選散官簡選日優與勳分未有出身陪位者準會昌五年
 五月三日赦文勳分應陪位皇五等已上親及太皇太后
 皇太后三等已上親三品已上賜爵一級四品已下加一

階諸親四等五等并諸色人陪位官五品已上加一階六
 品已上及白身並賜勳兩轉其前資及有出身各減一選
 孝弟之道王教攸先哀慶之禮人倫所重常叅官及諸州
 府長官父母見存未有官封者並量與五品致仕官及階
 并邑號如有官者量與進改如官已至五品已上即與五
 品階父母亡歿未經追贈者量與追贈官及邑號義深心
 膺寄重蕃垣俾命追崇延恩存歿用酬勳效豈恡寵私中
 書門下及節度使帶平章事宜與一子正員八品官祖父
 母先亡歿各與追贈已經追贈者更與改贈節度使各與
 一子正員九品官東都守度支鹽鐵觀察使置都團練都
 防禦經畧招討使及神策金吾六軍將軍大將軍上將軍

文苑英華 卷一百一十五
統軍威遠營鎮國軍等使皇城晉守各與一子出身父母
先亡歿未經追贈者各與追贈禮儀使京兆尹各與一子
正員九品官昭宣典冊寅奉郊禋宜普恩光以答公幹應
郊廟升壇升殿行事官普恩之外中書門下尚書省御史
臺三品已上特加一階四品已下各賜一階如合入三品
者量減三考入五品者減兩考仍待考足日聽叙其合選
人與減一選內行事官三品已上賜爵一級四品已下加
一階內侍省及內坊官四品已上各賜勳五轉五品已下
各賜勳三轉應從駕上郊廟者普恩之外三品已上各賜
爵一級四品已下各加一階白身賜勳兩轉禁營兵仗列
衛瓜牙言念勤勞宜頒慶賚神策六軍威遠營左右金吾

及皇城將士應緣大禮移仗宿衛御樓立仗等普恩之外
三品已上賜爵一級四品已下各加一階仍準舊例賜物
有差其神策將士應在京畿內諸縣者亦各有賜物應緣
大禮職掌行事官并修撰儀注及番守副番守守倉庫卿
等普恩之外三品已上賜爵一級四品已下各加一階琛
賚來朝梯航入貢藩方陳奏職業無虧或禁署策名或官
司効用俾同霑渥各示加恩鴻臚禮賓院應在城內蕃客
等各賜物諸道知上都進奏院官在城者各賜勳三轉
應緣大禮四方進表疏及賀正官各賜勳三轉翰林待詔
供奉并諸色直見任及前資并員外試官三品已上賜爵
一級四品已下各加一階無官者賜勳兩轉掌贊禮儀祇

奉郊廟理宜優獎用洽恩華郊廟行事齋郎減二年勞室
長掌座禮生贊者減一年勞無勞可減者便放出身崇文
館行事學生及齋郎禮生番考已滿所司緣大禮却遣入
行事各減一選國子監學生陪位者賜勳一轉中書門下
專知儀制官吏各特加一階應緣祗奉供作官直司長上
諸州行綱考典兩縣耆壽諸色番役當上在城并量留十
二月番者各賜勳兩轉飛龍閑廐宮苑典引掌扇內園掌
總監裁接少府將作內作中尚武德軍內外弓箭庫等諸
司使下白身及無品直司定額長上雜匠巧兒黃衣上監
門直長雜仗三衛七色引駕細引執扇角手弩手曠騎武
士天文觀生漏生典鼓典鍾工人樂人主衣主膳主酪典

食胡食手宰手閑募士御士醫士獸醫門僕藥僮御書手
楷書手流外行署等各賜勳兩轉立劾之本任敦於耆老
勸俗之道莫先於節義天下百姓九十已上各賜絹三疋
八十已上各賜絹兩疋仍委長吏賣帛就家宣賜孝子順
孫義夫節婦旌表門閭終身勿事先已旌表者量加優恤
嶽瀆孕靈公侯列位助宣景化利及含生宜委本州主長
吏備禮致祭皇王應期賢哲濟代式遵令德用達明誠名
山大川及自古聖帝明王忠臣烈士各令所在以禮致祭
自會昌元年後赦文及諸色條疏有不便於人者委有司
及外州府長吏條疏聞奏亡命山澤挾藏軍器百日不首
復罪如初赦書有不該者所司具條疏聞奏敢以赦前事

相告言者以其罪罪之赦書日行五百里布告天下咸使聞知主者施行

文苑英華卷第四百三十 終

